

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
JU CENTAR ZA SOCIJALNI RAD
CAZIN



BOSNIA AND HERZEGOVINA
FEDERATION OF BOSNIA AND
HERZEGOVINA
UNA-SANA CANTON
PI CENTRE FOR SOCIAL WORK
CAZIN

Ul. 505. Viteške 38/a, 77220 Cazin; Tel/Fax: +387 37 514 439; Tel: +387 37 512 103; email adresa: info@csrcazin.com;
www.csrcazin.com

I Z V J E Š T A J

**O RADU I FINANSIJSKOM POSLOVANJU JU “CENTRA ZA
SOCIJALNI RAD” CAZIN ZA PERIOD OD 01. JANUARA DO
31. DECEMBRA 2025.GODINE**

Cazin, mart 2026.godine

Sadržaj

1. U V O D.....	1
1.1. ZAPOSLENI	1
1.2. FINANSIRANJE JU “CENTRA ZA SOCIJALNI RAD CAZIN”	2
2. D J E L A T N O S T	3
2.1. SLUŽBA ZA SOCIJALNU ZAŠTITU	3
2.1.1. MATERIJALNA POMOĆ	3
2.1.2. Zakon o roditeljima njegovateljima u Federaciji Bosne i Hercegovine	9
2.1.3. Dječiji dodatak po federalnom propisu	10
2.2. POMOĆ U NATURI	11
2.3. DJEČIJA NEDJELJA	12
2.4. SMJEŠTAJ MALOLJETNIH I ODRASLIH LICA U USTANOVE SOCIJALNE ZAŠTITE	12
2.4.1. <i>Smještaj maloljetnih lica u ustanove socijalne zaštite</i>	13
2.4.2. <i>Smještaj odraslih lica u ustanovu socijalne zaštite</i>	14
2.5. DJECA I ODRASLI SMJEŠTENA U HRANITELJSKE PORODICE	16
2.6. DJEČIJA ZAŠTITA	17
2.6.1. <i>Starateljstvo nad djecom bez roditeljskog staranja i odraslim licima</i>	17
2.6.2. <i>Usvojenje</i>	18
2.6.3. <i>Zaštita djece ometene u psihofizičkom razvoju</i>	20
2.7. Suradnja sa školama	21
2.8. PORODIČNA ZAŠTITA	23
2.8.1. <i>Posredovanje</i>	23
2.8.2. <i>Saniranje poremećenih porodičnih odnosa, razvod braka i povjera djece</i>	25
2.8.3. <i>Maloljetnički brak</i>	26
2.8.4. <i>Nasilje u porodici</i>	26
2.8.5. <i>Naplata alimentacije</i>	27
2.9. MALOLJETNICI U SUKOBU SA ZAKONOM	28
2.10. STARATELJSTVO ZA POSEBAN SLUČAJ	30
2.11. ZDRAVSTVENA ZAŠTITA	31
2.12. CIVILNE ŽRTVE RATA	34
2.13. PORODILJE	35
2.13.1. <i>Naknada plate ženi-majci u radnom odnosu</i>	35
2.13.2. <i>Novčana pomoć nezaposlenoj porodilji USK-a</i>	35
2.13.3. <i>Jednokratna novčana pomoć namjenjena novorođenčadima sa područja Grada Cazina</i>	36

2.13.4. Pomoć majkama /starateljicama koje imaju troje ili više maloljetne djece.....	36
2.14. Psihosocijalna zaštita djece i odraslih	37
2.14. Subvencioniranje troškova prevoza učenika srednjih škola u Gradu Cazinu	37
2.15. Trgovina ljudima (Prosjačenje)	38
2.16. Broj primljenih stranaka	39
3. D E Ž U R N I R A D.....	39
4. VIZIJA/TEŽNJA.....	40
5. FINANSIJSKI IZVJEŠTAJ JU CENTRA ZA SOCIJALNI RAD CAZIN ZA 2025.GODINU.....	41

1. U V O D

LIČNA KARTA USTANOVE:

NAZIV USTANOVE:	Javna ustanova „JU Centar za socijalni rad“ Cazin
	Ustanova registrovana pod brojem U/I-31/2000 od 11.01.2001. godine
ADRESA:	Cazin, ul. 505 Viteške 38a
OSNOVANA:	1976 i kao takva djeluje i danas uz određene transformacije.
OSNIVAČ:	Gradsko vijeće Cazin, sukladno čl.143
DIREKTOR:	Amela Toromanović, mr.scr.
TELEFON:	037/ 512-103
E-MAIL ADRESA:	info@csrcazin.com
WEB:	www.csrcazin.com

1.1. ZAPOSLENI

U izvještajnom periodu u JU “Centru za socijalni rad” Cazin bilo je zaposleno ukupno dvadesettri (23) radnika po sljedećoj sistematizaciji:

Direktor centra	1
Stručni saradnik za pravne i personalne poslove	1
Viši Stručni saradnik/Stručni saradnik-socijalni radnici	9
Viši Stručni saradnik - Psiholog	1
Viši Stručni saradnik- Logoped	1
Viši Stručni saradnik – Socijalni pedagog	2
Viši Stručni saradnik-finansijski knjigovođa	1
Stručni saradnik za računovodstvene poslove i novčanu naknadu za nezaposlene porodilje	1
Viši Stručni saradnik za javne nabavke	1
Stručni saradnik za koordinaciju i aktivnosti centra za socijalni rad	1
Viši referent za poslove arhive	1
Viši referent za administrativno tehničke poslove	1

Vozač-kurir	1
Higijeničarka	1

1.2. FINANSIRANJE JU “CENTRA ZA SOCIJALNI RAD CAZIN”

JU “Centar za socijalni rad” Cazin se finansira iz **više** izvora:

1. **Budžet grada Cazin kao osnivača - direktni korisnici budžeta (trezorsko poslovanje)**

Iz **budžeta grada Cazin** finansiraju se **plate i ostale naknade** zaposlenika JU “Centra za socijalni rad” Cazin, **materijalni troškovi** Centra, te **jednokratne, privremene i izuzetne novčane pomoći, usluge socijalnog i drugog stručnog rada, kućna njega i pomoć u kući, posebni psiho-socijalni tretman trudnica i bračnih drugova koji žele djecu, smještaj djece uz osiguranu ishranu u ustanovama predškolskog odgoja, osiguranje jednog obroka u vrijeme nastave u školama osnovnog obrazovanja** (čl.137. Zakona o socijalnoj zaštiti, zaštiti CŽR-a i zaštiti porodice sa djecom). Subvencije za mjesečne karte za učenike srednje škole.

2. **Budžet Kantonalnog ministarstva zdravstva, rada i socijalne politike Bihać**

Iz **budžeta Kantonalnog ministarstva zdravstva i socijalne politike Bihać** financiraju se sljedeća davanja socijalne zaštite: **stalna novčana pomoć, smještaj u ustanove socijalne zaštite i smještaj u drugu porodicu, naknade za CŽR-a, naknade plate ženi-majci u radnom odnosu, jednokratne novčane naknade ženi-majci koja nije u radnom odnosu, naknade za čekanje na zaposlenje** (čl.136. Zakona o socijalnoj zaštiti, zaštiti CŽR-a i zaštiti porodice sa djecom).

3. **Budžet Federalnog ministarstva rada i socijalne politike Sarajevo**

Iz **budžeta Federalnog ministarstva rada i socijalne politike Sarajevo** finansira se **lična invalidnina, dodatak za njegu i pomoć drugog lica i ortopedski dodatak osobama sa invaliditetom**. Roditelj njegovatelj, dječji dodatak koji je regulisan zakonom o matrijalnoj podršci porodicama sa djecom u Federaciji Bosne i Hercegovine (Službene novine Federacije BIH” broj 52/22 i 58/24)

4. **Donacije i projekti/ projektni grantovi**

2. DJELATNOST

Osnovna djelatnost JU "Centra za socijalni rad Cazin" jeste zadovoljavanje potreba građana u oblasti socijalne, porodične i dječije zaštite. Ova djelatnost se ostvaruje kroz pružanje raznih usluga građanima koji se nađu u stanju socijalne potrebe.

Rad u Centru ima preventivni i kurativni karakter, odnosno obuhvata primarnu i sekundarnu socijalnu zaštitu, što podrazumijeva djelovanje u pravcu sprječavanja nastanka socijalnih problema, ali i sanaciju već postojećih poteškoća. Međutim, u praksi su preventivne aktivnosti često manje izražene u odnosu na kurativne intervencije. Jedan od ključnih razloga za to jeste značajna administrativna opterećenost stručnih radnika u Centru za socijalni rad, što u velikoj mjeri utiče na mogućnost planiranja i provođenja sistemskih preventivnih mjera. Iako prevencija postoji i provodi se kroz različite oblike edukativnih radionica, savjetodavnog rada i saradnje sa drugim institucijama (policija, centar za mentalno zdravlje, škole i dr.) takve aktivnosti su rjeđe nego što bi bilo potrebno, upravo zbog obima administrativnih poslova koji zahtijevaju kontinuiran angažman stručnog kadra.

U skladu s tim, rad u Centru je i dalje u većoj mjeri usmjeren na sanaciju već postojećih socijalnih problema. Ova sanacija se provodi kroz regulisanje različitih novčanih naknada za lica koja ispunjavaju zakonom propisane uslove, kao i kroz savjetodavni i stručni rad sa strankama (pružanje pomoći, vođenje stručnih razgovora i sl.).

2.1. SLUŽBA ZA SOCIJALNU ZAŠTITU

2.1.1. MATERIJALNA POMOĆ

Vidovi materijalne pomoći:

- stalna novčana pomoć;
- jednokratna i izuzetna novčana pomoć;
- novčana naknada za čekanje na zaposlenje;
- lična invalidnina, dodatak za njegu i pomoć drugog lica i ortopedski dodatak;

- **naknada za treće i svako naredno živorođeno dijete u USK-a za 2022.godinu**

2.1.1.1. Stalna novčana pomoć

Zakonska osnova:

Prema čl. 10 - 15. Zakona o socijalnoj zaštiti, zaštiti CŽR-a i zaštiti porodice sa djecom stalnu socijalnu pomoć mogu ostvariti osobe koje ispunjavaju zakonski određene uslove:

- da je osoba nesposobna za rad,
- da nema dovoljno prihoda za izdržavanje,
- da nema srodnika koji su po zakonu obavezni da ih izdržavaju ili, ako imaju, da nisu u mogućnosti da izvršavaju obavezu izdržavanja,
- da svoju nepokretnu ili pokretnu imovinu ili dio iste testamentom ili ugovorom prenese na državnu zajednicu.

Osoba nesposobna za rad je:

- osoba kojoj su umanjene psihofizičke sposobnosti,
- lice koje je starije od 65 odnosno 60 godina,
- žena za vrijeme trudnoće, porođaja i poslije porođaja,
- roditelji, očuh, maćeha ili usvojilac koji se stara o jednom ili više djece do jedne godine života.

Osoba ili porodica koja nema dovoljno prihoda za izdržavanje također ostvaruje pravo na stalnu novčanu pomoć. Iznos **najnižeg primanja** koji se smatra dovoljnim za izdržavanje utvrđuje se u procentu od **10, 12, 14 i 16%** utvrđene osnovice zavisno od broja članova domaćinstva - Član 6. Zakona o izmjenama i dopunama Zakona o socijalnoj zaštiti, zaštiti CŽR i porodica sa djecom sl. glasnik USK 7/01/.

Obavezu izdržavanja imaju srodnici u skladu sa Porodičnim zakonom, srodnici u pravoj liniji između braće i sestara, te braće i sestara po ocu ili majki, odnosno ostvaruje se onim redom kojim su davaoci izdržavanja pozvani na nasljeđivanje.

U 2025. godini po Zakonu o osnovama socijalne zaštite, zaštite CŽR-a i zaštite obitelji sa djecom («Sl. Novine FBiH» broj: 36/99) i Zakonu o socijalnoj zaštiti, zaštiti CŽR-a i zaštiti

porodica sa djecom /"Sl.Glasnik USK" broj:5/00/, zaključno sa decembrom mjesecom bilo je ukupno 22 korisnika socijalne pomoći.

Obzirom da je u julu mjesecu od strane Ministarstva zdravstva, rada i socijalne politike donešena Odluka o povećanju naknade korisnicima socijalne pomoći, to je za sve korisnike donešeno novo rješenje sa novim iznosima.

U 2025. godini izdato je još 195 uvjerenja strankama po njihovom usmenom ili pismenom zahtjevu o činjenicama o kojima se vodi službena evidencija.

Aktivnosti JU Centra za socijalni rad

Ukupan broj korisnika stalne novčane pomoći	Broj primljenih Zahtjeva	Broj priznatih Zahtjeva	Broj odbijenih Zahtjeva	Broj korisnika kojima je prestalo pravo	Broj upućenih Žalbi
22	1	1	-	3	0

TABELA 1

NAPOMENA:

Zaključno sa 31. decembrom 2025. godine broj korisnika stalne novčane pomoći je bio 22. U 2025.godini korisnicima stalne novčane pomoći od strane Ministarstva zdravstva, rada i socijalne politike isplaćene su JNP te je u skladu s tim donešeno 22 rješenja o priznavanju tog prava.

2.1.1.2. Novčana naknada za čekanje na zaposlenje

Zakonska osnova:

Na osnovu člana 27. Zakona o socijalnoj zaštiti, zaštiti CŽR-a i zaštiti porodice sa djecom naknadu čekanja na posao mogu ostvariti djeca, odnosno odrasle osobe osposobljene za rad prema propisima o posredovanju u zapošljenju i socijalnoj sigurnosti nezaposlenih osoba.

Visina ove naknade je **50%** od osnovne, stalne novčane pomoći.

Aktivnosti Centra

U toku 2025. nije bilo novih zahtjeva za ovaj vid zaštite, a na evidencijama Centra se nalaze dva korisnika ovog prava.

2.1.1.3. Lična invalidnina („Neratni invalidi“)

Zakonska osnova:

Ovaj vid socijalne zaštite regulisan je Zakonom o izmjenama i dopunama Zakona o osnovama socijalne zaštite, zaštite CŽR-a i zaštite porodice sa djecom (Sl.novine FBiH“, broj 54/04 i 14/09). Ovim izmjenama za lica sa invaliditetom su regulisana sljedeća osnovna prava:

- **lična invalidnina,**
- **dodatak za njegu i pomoć drugog lica,**
- **ortopedski dodatak,**
- **pomoć u troškovima liječenja i nabavci ortopedskih pomagala,**
- **osposobljavanje za rad,**
- **prioritetno zapošljavanje.**

Radi ostvarivanja prava utvrđenih ovim zakonom lica sa invaliditetom razvrstavaju se prema utvrđenom procentu oštećenja organizma u dvije grupe (**90% i 100%**), od čega zavisi i visina mjesečnog iznosa lične invalidnine.

Osnovica za utvrđivanje mjesečnih novčanih primanja je određena ovim zakonom i iznosi 274,40 KM, a zavisi od utvrđenog procenta oštećenja organizma. Lična invalidnina, dodatak na tuđu njegu i pomoć te ortopedski dodatak određuje se srazmjerno stepenu oštećenja organizma prema Nalazu i mišljenju Instituta za medicinsko vještačenje zdravstvenog stanja. Troškove postupka vještačenja plaćaju podnosioci zahtjeva. Ukoliko podnosioci zahtjeva ostvare prava iz ove oblasti imaju pravo na refundaciju troškova iz sredstava kantonalnog budžeta. Isplatu neratnih invalida vrši Federalno ministarstvo direktno na račune korisnika.

Aktivnost Centra:

Broj podnesenih zahtjeva	Br. donijetih rješenja o priznavanju prava	Br. Donijetih rješenja o odbijanju zahtjeva	Br. donijetih rješenja o prestanku prava zbog smrti stranke
108	104	4	34

TABELA 2

2.1.1.4. Izuzetna novčana pomoć

Zakonska osnova:

Izuzetna novčana pomoć se isplaćuje ukoliko se socijalna potreba ne može zadovoljiti jednokratnom novčanom pomoći (čl.21. Zakona o socijalnoj zaštiti, zaštiti CŽR-a i zaštiti porodice sa djecom).

Njena visina je do **85%** prosječne plate i jednom korisniku se može dodijeliti najviše jednom u godini.

Izuzetna novčana pomoć se dodjeljuje onda kada nastupe teže okolnosti koje ugrožavaju osnovnu egzistenciju što iziskuje veći iznos sredstava.

Tako je u 2025.godini isplaćen i veći dio zahtjeva vezane za smrt, ukop i cjelokupne troškove dženaze kao i ostale nepredviđene okolnosti koje dovode do stanja socijalne potrebe.

Aktivnosti Centra:

U 2025. godini isplatili smo **18** izuzetne novčane pomoći.

2.1.1.5. Jednokratna novčana pomoć

Zakonska osnova:

Jednokratna novčana pomoć (čl. 21. Zakona o socijalnoj zaštiti, zaštiti CŽR-a i zaštiti porodice sa djecom) iznosi najviše **35%** od prosječne plate, a ista osoba može ostvariti pravo na ovaj vid pomoći **tri puta** u jednoj kalendarskoj godini.

Aktivnosti Centra:

Od 01.01.do 31.12.2025.godine podnešena su 227 zahtjeva za priznavanje prava na ovaj vid pomoći. Od tog broja **155** zahtjeva je pozitivno riješeno (isplaćeno) u vidu JNP, a ostali zahtjevi zbog nedostatka finansijskih sredstava nisu mogli biti realizirani.

Broj podnešenih zahtjeva	Broj riješenih zahtjeva za JNP	Broj neriješenih Zahtjeva
227	155	72

TABELA 3

2.1.1.6. Naknada za treće i svako naredno živorođeno dijete u USK-a za 2025.godinu

Zakonska osnova:

Naknada za treće i svako naredno živorođeno dijete utvrđena je Odlukom Vlade USK o isplati naknade za treće i svako naredno živorođeno dijete za 2025. godinu.

Aktivnosti Centra:

Ukupan broj zahtjeva je **67**. Od toga je i priznatih **67** zahtjeva. Nismo imali odbijenih zahtjeva.

2.1.2. Zakon o roditeljima njegovateljima u Federaciji Bosne i Hercegovine
Službene novine Federacije BiH, broj 75/21 od 22.09.2021g

Ovim zakonom uređuju se pojam i status roditelja njegovatelja, uslovi za priznavanje statusa roditelja njegovatelja, pravo roditelja njegovatelja na materijalnu podršku u vidu mjesečne naknade i pripadajućih doprinosa, postupak ostvarivanja prava, finansiranje, nadzor i druga pitanja od značaja za ostvarivanje prava roditelja njegovatelja u Federaciji Bosne i Hercegovine.

Roditelj njegovatelj u smislu ovog zakona je roditelj lica sa 100% invaliditetom uzrokovanog bolešću ili poremećajem u razvoju, kao i slijepog lica čiji je ostatak vida na oba oka ispod 0,05 s korekcijom, odnosno roditelj lica koje se, prema nalazu Instituta za meidicnsko vještačenje zdravstvenog stanja, ne može osposobiti za samostalan život niti može samostalno zadovoljavati barem jednu od sljedećih osnovnih životnih potreba:

- a) kretanje u stanu i izvan stana;
- b) uzimanje hrane;
- c) oblačenje i svlačenje;
- d) održavanje lične higijene ili
- e) obavljanje drugih fizioloških potreba.

Status roditelja njegovatelja iz stava može ostvariti i lice iz reda srodnika koje je, u skladu s odredbama Porodičnog zakona Federacije Bosne i Hercegovine, nadležni organ imenovao za staratelja.

U toku 2025. godine JU Centra za socijalni rad Cazin zaprimio je **7 zahtjeva** za isto pravo, dok je za sedam korisnika ovo pravo je privremeno ukinuto zbog obaveze kontrolnog pregleda dok je za jednog trajno ukinuto pravo zbog smrti stranke, a jednom korisniku je prestalo pravo zbog navršenih 65 godina života.

U 2025.godini pravo na status roditelja njegovatelja je imalo ukupno 48 osoba.

JU Centar za socijalni rad i u 2026. godini planira raditi u skladu sa postojećim Zakonom.

2.1.3 Dječiji dodatak po federalnom propisu

Od 09.10.2022.godine na snagu je stupio Zakon o materijalnoj podršci porodicama sa djecom u FBiH ("Sl.novine FBiH", broj 52/22) kojim je regulisano pravo na ostvarivanje **prava na dječiji dodatak** i kojim su ranije odredbe koje regulišu ovu oblast prestale da važe. Zbog evidentiranih problema prilikom primjene istog, od 03.08.2024.godine stupio je na snagu Zakon o izmjenama i dopunama Zakona o materijalnoj podršci porodicama s djecom ("Sl.novine FBiH", broj 58/24), a koje su u primjeni od 03.09.2024.godine.

Navedenim Zakonima određeno je da na dječiji dodatak imaju pravo djeca do navršene 18 godine života, ukoliko:

- ukupni mjesečni prihodi po članu zajedničkog domaćinstva ne prelazi 40% najniže plate u FBiH utvrđene u skladu sa odredbama Zakona o radu (400,00 KM)
- nijedan član porodice nema registrovanu samostalnu djelatnost koja je u posljednjih godinu dana ostvarila prihod
- ukoliko dijete nije smješteno u hraniteljsku porodicu ili ustanovu socijalne zaštite u periodu dužem od 30 dana.

Izmjenama Zakona određeno je i da pravo na dječiji dodatak imaju djeca koja su u skladu sa propisima iz oblasti zaštite lica sa invaliditetom ostvarila pravo na dodatak za njegu i pomoć drugog lica, kao i dijete oboljelo od malignih bolesti bez obzira na prihode porodice.

Postupak, kao i potrebna dokumentacija za ostvarivanje ovog prava regulisana je Pravilnikom o potrebnoj dokumentaciji za ostvarivanje prava na dječiji dodatak ("Sl.novine FBiH", broj 71/24). **Izmjenama Zakona određeno je da prvostepeni organ (JU Centar za socijalni rad Cazin) najmanje jednom godišnje po službenooj dužnosti izvrši provjeru ispunjenosti uslova za nastavak ostvarivanja prava na dječiji dodatak.** Praktično, to znači da je prvostepeni organ u obavezi svake godine za sve korisnike dječijeg dodatka izvršiti provjeru da li i dalje imaju potrebne uslove za ostvarivanje ovog prava, a navedene provjere vršit će se preko Porezne uprave FBiH, FZ za PIO; JU Služba za zapošljavanje USK, Odjeljenja boračko invalidske zaštite, i, po potrebi, ostalih institucija.

Visina dječijeg dodatka iznosi **19% najniže plate u FBiH (190,00 KM)** utvrđene u skladu sa odredbama Zakona o radu

U toku 2025.godine kod JU Centar za socijalni rad Cazin zaprimljeno je ukupno 1.042 zahtjeva za ostvarivanje navedenog prava.

Mjesec	Broj zaprimljenih zahtjeva	Broj rješenja o priznavanju prava	Broj rješenja o odbijanju/prekidu prava	Ukupan broj korisnika
JANUAR	314	174	5	838
FEBRUAR	192	273	7	1.088
MART	93	278	6	1.331
APRIL	45	242	5	1.557
MAJ	63	312	7	1.845
JUNI	45	276	3	2.098
JULI	37	236	5	2.304
AUGUST	55	130	2	2.391
SEPTEMBAR	64	142	6	2.357
OKTOBAR	59	178	4	2.659
NOVEMBAR	43	136	3	2.622
DECEMBAR	32	107	1	2.829
UKUPNO:	1.042	2.484	54	-----

TABELA 4

U periodu od januara do 31.12.2025.godine podneseno je 1.042 zahtjeva za priznavanje ovog prava. U istom periodu doneseno je 2.484 rješenja o priznavanju prava na dječiji dodatak, odnosno prosječno su u toku jednog mjeseca urađena 207 rješenja. Napominjemo da se ovdje ne radi samo o zahtjevima iz 2025.godine, već su u ovoj godini rješavani i zahtjevi iz 2024.godine. Urađeno je i 54 rješenja o odbijanju zahtjeva i prekidu prava.

Trenutno su u obradi zahtjevi iz decembra 2025.godine.

Primjena novih zakonskih odredbi prouzrokovala je izuzetno povećanje obima poslova u Centru, kao i povećanje materijalnih i drugih troškova.

Tokom 2025.godine u sklopu ovog referata izdavana su i uvjerenja o ostvarivanju prava na dječiji dodatak, a u svrhu ostvarivanja navedenog prava u inostranstvu.

Broj izdanih uvjerenja u 2025.godini je 39.

2.2. POMOĆ U NATURI

U toku 2024. godine nismo imali **podjelu prehrambenih paketa niti druge pomoći u naturi.**

2.3. DJEČIJA NEDJELJA

U 2025. godini u sklopu obilježavanja “Dječije nedjelje” Centar za socijalni rad Cazin je Kantonalnom ministarstvu dostavio Plan obilježavanja “Dječije nedjelje“.

Novčana sredstva za obilježavanje dječije nedjelje smo dobili od Kantonalnog ministarstva u 2025. godini kao što je to i bio običaj prethodnih godina.

U sklopu obilježavanja Dječije nedjelje Federalno ministarstvo rada i socijalne politike svake godine obezbjedi jednokratnu novčanu pomoć za nadarene đake koji žive u teškim materijalnim uvjetima. Centar je u suradnji sa školama kandidirao jednu učenicu bez roditeljskog staranja, a koja je smještena u ustanovi socijalne zaštite.

2.4. SMJEŠTAJ MALOLJETNIH I ODRASLIH LICA U USTANOVE SOCIJALNE ZAŠTITE

Zakonska osnova:

U skladu sa članom 32. Zakona o socijalnoj zaštiti, zaštiti CŽR-a i zaštiti porodice sa djecom, pravo na smještaj u ustanovu socijalne zaštite mogu ostvariti djeca i odrasle osobe kojima je potrebna stalna briga i pomoć u zadovoljavanju njihovih životnih potreba, a koje ne mogu ostvariti u vlastitoj ili drugoj porodici ili na neki drugi način.

Ovaj vid zaštite finansira se iz budžeta Kantonalnog ministarstva zdravstva i socijalne politike Bihać.

Poslovi Centra za socijalni rad Cazin u okviru ovog **referata** ogledaju se u: prijemu zahtjeva za smještaj lica u ustanovu socijalne zaštite, prikupljanju po službenoj dužnosti dokumentacije potrebne za smještaj, učešće u stručnom timu povodom smještaja u ustanovu socijalne zaštite, izrada rješenja o smještaju, utvrđivanje iznosa participacije srodnika u troškovima smještaja, izrada rješenja o učešću u troškovima smještaja, upućivanje zahtjeva resornom Ministarstvu za izdavanje saglasnosti za smještaj i snošenje troškova smještaja, upućivanje zahtjeva za smještaj ustanovi, saradnja sa ustanovama po svim pitanjima vezanim za smješteno lice, organiziranje i učestvovanje u postupku ostvarivanja ličnih odnosa smještenog lica sa biološkim srodnicima, obavljanje drugih poslova za lica na smještaju.

2.4.1. Smještaj maloljetnih lica u ustanove socijalne zaštite

Aktivnosti Centra:

U 2025. godini pokrenut je i realiziran smještaj u ustanovu socijalne zaštite za ukupno 7 maloljetnih lica.

U JU “SPŽZ” Bihać smo smjestili petero djece u toku 2025.godine. U JU „SPŽZ“ Bihać je u toku 2025. godine prekinut smještaj za dvoje djece koja su završila srednjoškolsko obrazovanje, stekla punoljetstvo i osamostalila se, te za troje djece zbog povratka u biološku porodicu. Trenutno se na smještaju u JU “SPŽZ” Bihać nalazi ukupno 11 djece.

U 2025.godini se dvoje djece nalazilo na smještaju u JU Dječiji dom Mostar zbog nedostatka kapaciteta na području Unsko-sanskog kantona.

U toku 2025.godine je realiziran smještaj za dvoje djece u Centru za djecu bez roditeljskog staranja “Duga”, a prekinut je smještaj za jedno dijete u pomenutoj ustanovi zbog povratka u biološku porodicu. Trenutno se u Centru “Duga” nalazi ukupno troje djece na smještaju.

Po svim novim zahtjevima obavljene su i terenske posjete, ali su vršene posjete i porodicama djece koja se već nalaze na smještaju u ustanovama radi provjere uslova, odnosno da li su stekli uslove za povratak djece u porodicu.

Rbr.	Naziv ustanove	Mjesto	Broj
01.	JU „Socijalno pedagoška životna zajednica“	Bihać B.Krupa Cazin S.Most Ključ V.Kladuša	11
02.	Centar za zbrinjavanje djece bez roditeljskog staranja „Duga“	Kulen Vakuf	3
03.	JU „Dječiji dom“ Mostar	Mostar	2
U K U P N O:			16

TABELA 5

Smještaj maloljetnih lica u ustanove socijalne zaštite u 2025.godini	
Broj djece koja su se nalazila na smještaju u ustanovama socijalne zaštite tokom 2024.godine	22
Broj zahtjeva u postupku rješavanja	0
Broj donesenih rješenja o prestanku smještaja	6

TABELA 6

2.4.2. Smještaj odraslih lica u ustanovu socijalne zaštite

Aktivnosti Centra:

U toku 2025.godine na smještaju u ustanovama socijalne zaštite nalazilo se ukupno 36 odraslih lica.

Smještaj punoljetnih lica u ustanove socijalne zaštite u 2025.godini	
Broj lica koja su smještena u Ustanove socijalne zaštite tokom 2025.godine	4
Broj zahtjeva koji su u postupku Rješavanja	3
Broj donešenih rješenja o prestanku smještaja	3
Broj donesenih rješenja o produženju smještaja	13

TABELA 7

R/br	Naziv Ustanove	Mjesto	Broj smještanih lica
01.	JU Zavod za zbrinjavanje mentalno invalidne djece i omladine „Pazarić“	Pazarić, Sarajevo	12
02.	Savez organizacija za podršku osobama sa intelektualnim teškoćama „Sumero“	Bos.Petrovac Zenica	4
03.	JU Zavod za zbrinjavanje mentalno invalidnih lica „Drin“	Fojnica	5
04.	JU Socijalno-gerijatrijski centar	Banja Luka	1
05.	Prihvatni centar „Duje“	Doboj Istok	5
06.	Zavod za zbrinjavanje mentalno invalidnih osoba Bakovići	Fojnica	1
07.	PU za socijalnu zaštitu „Villa Minka“ Cazin	Cazin	6
08.	Dom za lica sa invaliditetom Prijedor	Prijedor	1
09.	PU HM Nuhić	Cazin	1
UKUPNO			36

TABELA 8

U tabeli su navedeni podaci smještenih lica u ustanove socijalne zaštite tokom 2025.godine. Od navedenog broja, za tri lica su tokom 2025.godine izvršen prekid smještaja u ustanovi socijalne zaštite te je broj smještenih lica **33 zaključno sa 31.12.2025.godine.**

Kao i prošlih godina Centar je intenzivno radio na povratku šticenika u porodice što se može vidjeti i iz činjenice da smo ranije imali na smještaju preko 40 korisnika, a u 2025.godini taj broj je iznosio 33. Na deinstitutionalizaciji radićemo i ove godine. Tri zahtjeva za smještaj su prenesena u 2025.godinu te se nalaze u nadležnom ministarstvu radi dobijanja saglasnosti za smještaj dok za tri lica se čeka dobijanje saglasnosti radi produženja smještaja u ustanovi socijalne zaštite. Tokom 2025.godine pored postupka smještaja vršeni su i poslovi vezano za smještaj lica, rad i suradnju sa ustanovama u kojima su lica smještena, rad sa porodicama smještenih lica, obezbjeđivanje potrebnih ljekarskih dokumentacija i terapije, kao i drugi poslovi koji su od koristi za šticenike i njihovu dobrobit. Izvršena je posjeta Zavodu Pazarić, Zavodu Drin, Zavodu Bakovići, Prihvatnom centru “Duje” Doboj Istok.

Tokom 2025.godine došlo je do povećanja primanja korisnika u vidu lične invalidnine, njege i pomoći od strane drugog lica i ortopedskog dodatka tako da su u toku godine donesena nova rješenja za korisnike koji su smješteni u navedenim ustanovama a imaju primanja po

navedenom osnovu. Za 2026.godinu ustanove Pazarić, Drin, Bakovići su najavili poskupljenje cijene smještaja te će se po povećanju cijene smještaja donositi nova rješenja sa novom cijenom smještaja.

Tokom rada suočavamo se sa poteškoćama vezano za smještajni kapacitet u vidu da su ustanove socijalne zaštite popunjene te ne može se izvršiti smještaj lica jer nemaju mjesta. Tokom 2026.godine navedeni problem će biti još izraženiji te sve više lica nećemo biti u mogućnosti smjestiti u ustanovu socijalne zaštite jer ustanove nemaju smještajnih kapaciteta. I dalje je prisutna problematika oko duševnih bolesnika i njihovog prisilnog smještaja u zdravstvenu ustanovu, koji ne vrši JU Centar za socijalni rad već zdravstvene ustanove i nadležni sud. JU Centar za socijalni rad vrši smještaj lica u ustanove socijalne zaštite samo ukoliko se lice slaže da bude smješteno. Dakle dobrovoljnost lica je osnovni uslov da bude smješteno.

2.5. DJECA I ODRASLI SMJEŠTENA U HRANITELJSKE PORODICE

Zakonska osnova:

15.03.2017.godine stupio je na snagu *Zakon o hraniteljstvu* koji je počeo sa primjenom u martu 2018.godini te koji omogućava veće naknade hraniteljima, edukacije hranitelja da svoj posao obavljaju profesionalno, nove uslove za hranjenike koji će moći odrastati u porodičnom okruženju i koji mnogo bolje može zadovoljiti njihove potrebe nego smještaj u Ustanovu socijalne zaštite. Postoje četiri vrste hraniteljstva i svaki tip odgovara potrebama djeteta, gdje je tradicionalno hraniteljstvo najviše slično nekadašnjem smještaju u dugu porodicu.

Aktivnosti Centra:

Poslovi Centra za socijalni rad Cazin koji se obavljaju u okviru ovog referata su: primanje zahtjeva za smještaj lica u hraniteljsku porodicu, prikupljanje po službenoj dužnosti dokumentacije potrebne za smještaj, vršenje odabira porodice u koju će se lice smjestiti, učestvovanje u stručnom timu povodom smještaja u hraniteljsku porodicu, donosi rješenje o smještaju, donosi Ugovor o smještaju u hraniteljsku porodicu, utvrđuje iznos participacije srodnika u troškovima smještaja, donosi rješenje o učešću u troškovima smještaja, saraduje sa porodicom u koju je lice smješteno po svim pitanjima vezanim za to lice, organizuje i učestvuje u postupku ostvarivanja ličnih odnosa lica sa roditeljima i rodbinom, vrši analizu izvještaja o smještenom licu.

U toku 2025. godine na smještaju u hraniteljskoj porodici se nalazilo jedno maloljetno lice. Na osnovu podataka prikupljenih u radu vidljivo je da tokom 2025.godine nisu evidentirana lica koja su iskazala interes da postanu hranitelji. U najvećem broju slučajeva kada se ukaže potreba da se dijete izmjesti iz biološke porodice, Centar za socijalni rad obezbjeđuje smještaj u ustanovu socijalne zaštite, obzirom da je evidentan nedostatak hraniteljskih porodica koje ispunjavaju uslove za prihvatanje djece na smještaj.

BROJ SMJEŠTENIH LICA U HRANITELJSKU PORODICU			
DJECA /bez naknade/	DJECA /S naknadom/	ODRASLI /sa naknadom/	U K U P N O
0	1	0	1

TABELA 9

2.6. DJEČIJA ZAŠTITA

Dječija zaštita je oblik društvene brige o djeci, a njen cilj je da se svakom djetetu u zajednici pruže približno isti uslovi razvoja. Ona se provodi smještajem, njegom, vaspitanjem i obrazovanjem djece.

2.6.1. Starateljstvo nad djecom bez roditeljskog staranja i odraslim licima

Zakonska osnova:

Starateljstvo nad maloljetnim i punoljetnim odraslim licima regulisano je odredbama Porodičnog zakona čl. 186 - 191 i njime se ostvaruje zaštita djece čiji su roditelji umrli, nestali, nepoznati ili su nepoznatog boravišta, djeci čijim je roditeljima oduzeto roditeljsko pravo ili poslovna sposobnost, djeci čiji su roditelji duže vrijeme zanemarili čuvanje i vaspitanje djece, te djeci čiji su roditelji odsutni i nisu u mogućnosti da se redovno staraju o svom djetetu, odnosno zaštita punoljetnih osoba koje nisu sposobne ili nisu u mogućnosti starati se o sebi, svojim pravima i interesima te im je pravosnažnom odlukom suda potpuno ili djelimično oduzeta poslovna sposobnost. Poslove starateljstva vrši organ starateljstva putem imenovanog staratelja ili neposredno preko stručne osobe.

Starateljstvom se osigurava zaštita maloljetnih i odraslih osoba koje nisu u stanju da se brinu o ostvarivanju i zaštiti svojih prava i interesa. Kod odraslih osoba u najvećem broju slučajeva poslovna sposobnost se oduzima i stavljaju se pod starateljstvo lica sa duševnim smetanjama i lica sa smetnjama u psihofizičkom razvoju.

Aktivnosti Centra u 2025. godini:

Broj donesenih rješenja o stavljanju pod starateljstvo maloljetnih lica	5
Broj donesenih rješenja o stavljanju punoljetnih lica pod starateljstvo	4
Broj donesenih rješenja o imenovanu novog staratelja maloljetnim i punoljetnim licima	2
Broj donesenih rješenja o prestanku starateljstva (maloljetni i punoljetni)	9
Broj donesenih rješenja o otuđenju imovine maloljetnih lica i punoljetnih lica pod starateljstvom	21

UKUPAN BROJ MALOLJETNIH LICA POD STARATELJSTVOM	24
UKUPAN BROJ PUNOLJETNIH LICA POD STARATELJSTVOM	86

TABELA 10

2.6.2. Usvojenje

Zakonska osnova:

Usvojenje je također oblik zaštite djece bez roditeljskog staranja, a vrste, postupak zasnivanja i prestanka, prava i obaveza su također definisane odredbama Porodičnog zakona (čl.91.-123). U skladu sa zakonskim odredbama postoje dvije vrste usvojenja: **potpuno i nepotpuno.**

Potpuno se može usvojiti samo dijete uzrasta do **10** godina života.

Nepotpuno se može usvojiti maloljetno lice do navršene **18.** godine života, a ovim usvojenjem se između usvojenika i usvojitelja zasnivaju odnosi srodstva, ali njime ne prestaju dužnosti usvojenika prema njegovim roditeljima i drugim srođnicima.

Osnovna razlika između potpunog i nepotpunog usvojenja jeste ta što je **nepotpuno** usvojenje **raskidivo**, dok **potpuno nije**.

Aktivnosti Centra

Poslovi Organa starateljstva u ovom **referatu** se sastoje od: prijema zahtjeva potencijalnih usvojitelja, rada u stručnom timu radi rješavanja zahtjeva za usvojenje, davanju prijedloga, mišljenja i zaključaka o rješavanju zahtjeva za usvojenje, sudjelovanje u izboru usvojitelja, prikupljanje dokumentacije potrebne za zasnivanje usvojenja, vođenje svečanog čina zasnivanja usvojenja, donošenje rješenja o zasnivanju usvojenja.

U toku 2025.godine u JU Centru za socijalni rad Cazin zaprimljeno je **23** zahtjeva za usvojenje, dok je **8** zahtjeva iz ranijih godina obnovljeno. U toku ove godine zasnovano je jedno potpuno usvojenje, dok nepotpunog usvojenja nije bilo.

Naglašavamo da je usvojenje najbolji i najadekvatniji oblik zaštite djece bez roditeljskog staranja, jer dijete u ovim slučajevima dobija mogućnost odrastanja u normalnoj, materijalno i stambeno osiguranoj porodici. Pogrešno je mišljenje da je procedura oko usvojenja komplikovana i da dugo traje. Problem predstavlja činjenica da je veliki broj djece koja se nalaze u raznim domovima tu smještena uglavnom zbog loše materijalne, stambene ili zdravstvene situacije porodice ili poremećenih porodičnih odnosa i takva djeca se nakon saniranja uzroka koji su doveli do smještaja vraćaju u biološku porodicu, dok je kod manjeg broja djece takva porodična situacija da je usvojenje jedini vid zaštite. To, ustvari znači, da Centri imaju veliki broj podnešenih zahtjeva za usvojenje, ali je mali broj djece koja ispunjavaju zakonske uslove za usvojenje.

PZ FBiH propisano je da je za usvojenje potreban pristanak oba roditelja ili jednog roditelja, ako ovim Zakonom nije drugačije određeno i taj pristanak mora biti izričit u odnosu na vrstu usvojenja. Ovaj pristanak nije potreban ako je roditeljima oduzeto roditeljsko staranje, ako roditelji ne žive sa djetetom a tri mjeseca su u većoj mjeri zapustili staranje o djetetu, ako je roditelj maloljetan a nije sposoban shvatiti značenje usvojenja, ako je

roditeljima ograničena ili oduzeta poslovna sposobnost, i ako su roditelji nepoznatog boravišta najmanje 6 mjeseci, a u tom periodu se ne brine za dijete.

Tokom dugogodišnjeg rada na postupcima usvojenja zaključak jeste da sam postupak usvojenja, kako smo i rekli, nije kompliciran, a sva dokumentacija potrebna za zasnivanje usvojenja se prikupi za nekoliko dana, a i sama procedura u Centru se završava veoma brzo. U praksi problem su postupci na sudovima koji traju i po nekoliko mjeseci, bez pridržavanja rokova navedenih u PZ (čl.273), kao i izbjegavanje centara za socijalni rad za daju na usvajanje djecu čiji roditelji ne žive sa njima, a tri su mjeseca u većoj mjeri zapustili staranje o djetetu.

Članom 110 PZ FBiH propisano je da se prije zasnivanja usvojenja dijete smještava u porodicu budućih usvojitelja na period od šest mjeseci i taj smještaj je pod nadzorom organa starateljstva radi utvrđivanja da li je usvojenje u najboljem interesu djeteta. U praksi se javljaju problemi u vezi provođenja ovog člana u smislu da nikakvim dodatnim propisima nije regulisano koji organ starateljstva provodi nadzor - da li organ starateljstva nadležan po mjestu prebivališta djeteta ili budućih usvojitelja. Inače, većina centara izbjegava dati dijete na usvojenje bračnom paru iz iste općine ili čak kantona (radi izbjegavanja kontakata - sadašnjih ili budućih - sa biološkim srođnicima) i najčešće se odlučuju za buduće usvojitelje sa drugih kantona. U tim slučajevima, dijete gubi pravo na korištenje zdravstvene zaštite, odnosno iako ima zdravstveno osiguranje ne može ga koristiti na području drugog kantona, što budućim usvojiteljima izaziva dodatne troškove (privatni lekari, plaćanje vakcinacija, i sl.).

Članom 92 istog Zakona propisano je da dijete ima pravo znati da je usvojeno, a usvojiteljima se nameće obaveza da upoznaju dijete s tim da je usvojeno najkasnije do njegove sedme godine života. Međutim, nikakvim podzakonskim i/ili drugim aktima nije propisano na koji način se utvrđuje postupanje po ovom članu, odnosno nije propisano na koji način se utvrđuje da li su usvojitelji ispoštovali ovu obavezu.

2.6.3. Zaštita djece ometene u psihofizičkom razvoju

2.6.3.1. Ocjena sposobnosti i određivanje podrške djeci s teškoćama u razvoju

U toku 2025.godine zaključno sa 31.12.2025. godine podneseno je 28 zahtjeva za procjenu sposobnosti i određivanja podrške djeci s teškoćama u razvoju dok je u istoj godini do mjeseca maja ocjenjeno devetero djece.

Aktivnost Centra:

U skladu sa ranije važećim propisima, do 2025. godine na snazi je bio pravilnik kojim je bilo definisano da se djeca sa teškoćama u psihofizičkom razvoju procjenjuju na osnovu funkcionalnih sposobnosti i potreba za podrškom. Procjenu je vršila komisija formirana od strane nadležnog ministarstva, koja je donosila nalaz i mišljenje sa utvrđenom dijagnozom i kratkim preporukama za dalje školovanje i tretman djeteta.

Takvi nalazi i mišljenja unosili su se u službene evidencije i trajno su se čuvali u arhivi Centra za socijalni rad. Međutim, tokom 2025. godine došlo je do izmjena u postupku procjene. Na nivou Ministarstva zdravstva, rada i socijalne politike USK-a, kao i Ministarstva obrazovanja, nauke, kulture i sporta USK-a, formirano je Stručno tijelo koje čine stalno zaposleni stručnjaci. Ovo tijelo vrši procjenu djece, ali više ne u smislu postavljanja dijagnoze, već u smislu donošenja detaljnog mišljenja i preporuka za dalje školovanje, podršku i tretman djece.

Novina u postupku jeste da zahtjev za mišljenje stručnog tijela može podnijeti svaka ustanova koja uoči poteškoće u funkcionisanju djeteta (centar za socijalni rad, dom zdravlja/pedijatar, škola), kao i sam roditelj. Dakle, fokus više nije na dijagnosticiranju, već na procjeni potreba i definisanju adekvatnih preporuka za rad sa djetetom.

Po nalogu nadležnog ministarstva, Centar je sve ranije zaprimljene zahtjeve koji su bili upućeni komisiji proslijedio novoformiranom stručnom tijelu. Međutim, do dana sačinjavanja ovog izvještaja, Centar nije zaprimio nijedno mišljenje niti nalaz od strane Stručnog tijela.

2.7. Suradnja sa školama

U 2025. godini od strane osnovnih i srednjih škola bilo je 73 zahtjeva za intervencijom Centra u rješavanju određenih problema sa učenicima.

CSR Cazin ima svakodnevnu, jako dobro suradnju sa svim školama na području Općine Cazin, a cilj suradnje je psihosocijalna zaštita učenika.

Aktivnosti Centra:

Škole se pismenim putem obraćaju Centru u sljedećim slučajevima:

- kada evidentiraju učenike sa problemima u ponašanju (agresivnost, nasilje, asocijalni

oblici ponašanja),

- kada evidentiraju odgojno zapuštene učnike, učenike koji dolaze iz disfunkcionalnih porodica, učenike koji su žrtva bilo kojeg oblika nasilja,
- radi utvrđivanja socioekonomskog statusa učenika (učenika koji uglavnom dolaze iz porodica koje žive u teškom materijalnom stanju),
- ako se sumnja da su roditelji zapustili brigu o djetetu ili imaju pogrešne metode odgoja
- učenici sa teškoćama u razvoju
- u slučajevima vršnjačkog nasilja.

Nakon što se škola obratila Centru, vrši se provjera dobivenih informacija od strane škole na sljedeći način:

- pozivanje roditelja i učenika u Centar te obavljanje razgovora,
- terenska posjeta porodici i utvrđivanje socioekonomskog statusa,
- suradnja sa ostalim institucijama (DZ, MUP i sl).

Nakon utvrđivanja stanja donosi se plan zaštite i pomoći koji se uglavnom sastoji od:

- savjetodavni rad s učenicima,
- savjetodavni rad s roditeljima,
- pružanje materijalne pomoći,
- upoznavanje roditelja i učenika sa njihovim pravima,
- ukoliko je učenik žrtva nasilja, nasilje i počinioc se prijavljuju policiji i ukoliko je potrebno dijete se izdvaja iz porodice,
- ukoliko roditelji ne izvršavaju svoje roditeljske dužnosti i obaveze donosi se rješenje o nadzoru nad vršnjem roditeljskog staranja te se roditelji svakodnevno prate od strane Centra, a ujedno se vrši njihovo i savjetovanje i pruža im se pomoć,
- ukoliko su učenici počinioci krivičnog djela u Centru se provodi izrečena mjera od strane suda,
- učenici sa posebnim potrebama se putem Centra upućuju na Komisiju za kategorizaciju i profesionalnu orijentaciju.

U 2025.godini roditeljima za dva učenika koji iz neopravdanih razloga ne idu u školu je od strane Centra izdato pismeno upozorenje o propuštanju vođenja brige o djetetu, a shodno odredbama porodičnog zakona te Zakona o osnovnoškolskom obrazovanju koji predviđa novčane kazne.

Centar se obraća školama kada mu je za neki postupak koji se vodi (razvod braka, prijava nasilja, nadzor nad vršenjem roditeljske dužnosti, kategorizacija učenika, dostava mišljenja sudu o učenicima koji su počinioci krivičnog djela i sl.) neophodne informacije o učenicima. To su najčešće uspjeh u učenju i vladanju, odnos s vršnjacima i profesorima, ponašanje u školi, izvršavanje radnih obaveza, suradnja roditelja sa školom i sl. Centar u suradnji sa školama pomaže i učenicima koji su iz nekog razloga napustili školovanje da isto završe. U 2021. godini potpisan je Sporazum o saradnji sa obrazovnim ustanovama, Centrom za socijalni rad, policijom, Domom zdravlja te Gradskom upravom pri čemu je formiran općinski referalni mehanizam s ciljem pružanja multisektorske podrške djeci u srednjem i visokom riziku, a u 2024. godini ta se saradnja i nastavila.

Od ranije su u upotrebi Protokoli o vršnjačkom nasilju i Protokol o postupanju u slučajevima kada djeca neopravdano ne pohađaju nastavu.

Isto tako Centar se uključuje kada je u pitanju školovanje djece po programu za školovanje odraslih. Naime, djeca koja do 15-te godine nisu završila osnovnu školu imaju mogućnost da istu završe vanredno u OŠ „Ostrožac“. Centar u suradnji sa navedenom školom omogućuje završavanje osnovne škole bez plaćanja učenicima koji su u stanju socijalne potrebe.

2.8. PORODIČNA ZAŠTITA

Ovim vidom zaštite uređuju se prava i dužnosti između bračnih drugova, roditelja i djece, djece i roditelja, te ostalih članova porodice.

2.8.1. Posredovanje

Zakonska osnova:

Posredovanje je postupak koji se pokreće prije pokretanja postupka za razvod braka i stavljeno je u nadležnost fizičkih i pravnih lica koje za obavljanje ove djelatnosti dobiju saglasnost Federalnog ministarstva za rad i socijalnu politiku Sarajevo. JU Centar za socijalni rad Cazin je dobila ovo odobrenje i provodi postupak posredovanja.

Postupak posredovanja regulisan je odredbama Porodičnog zakona FBiH ("Sl.novine FBiH", broj 35/2005) i to članovima 45 do 52.

U skladu sa navedenim zakonskim odredbama, prije pokretanja postupka za razvod braka, bračni pratneri zajedno ili jedan od njih dužni su podnijeti zahtjev za posredovanje. Ovo je obaveza bračnim pratnerima koji imaju maloljetnu djecu, ali isti zahtjev mogu podnijeti i bračni partneri koji nemaju maloljetne djece. Tokom postupka posredovanja nastoje se ukloniti uzroci koji su doveli do poremećaja bračnih odnosa, a supružnici izmire i nastave zajednicu. Ukoliko to nije moguće postići, nastoji se postići sporazum između supružnika oko pitanja koja se tiču njihove maloljetne djece, odnosno oko toga sa kojim će roditeljem djeca živjeti, način održavanja ličnih odnosa sa roditeljem sa kojim dijete ne živi, izdržavanja djeteta, te o drugim sadržajima roditeljskog staranja.

U slučajevima kada se navedeni sporazum ne postigne ili postignuti sporazum nije u najboljem interesu djece, o navedenim pitanjima odlučuje organ starateljstva po službenoj dužnosti i navedena odluka važi do pravomoćnosti odluke o razvodu braka.

Aktivnosti Centra:

Svrha posredovanja jeste da se saniraju uzroci koji su doveli do odluke za razvod braka ili da se postigne sporazum roditelja o povjeri, kontaktiranju i izdržavanju mladb. djece. U toku 2025.godine podnesno je **64** zahtjeva za posredovanje. Od ovog broja, 5 zahtjeva je povučeno, obzirom da su u toku postupka sanirani problemi koji su doveli do prekida zajednice. 4 zahtjeva koji su podneseni u decembru nije riješeno, jer su termini posredovanja zakazani za početak 2026.godine.

Centri za socijalni rad prema važećim zakonskim propisima imaju ovlaštenje i mogu obavljati djelatnost savjetovališta za brak i porodicu, što se i u određenoj mjeri i provodi kroz svakodnevni rad sa porodicama. Međutim, zbog stalnog povećavanja obima poslova koji su stavljeni u nadležnost centara, velikog broja korisnika koji se uvode u razna prava, smatramo da bi osnivanje posebne ustanove ili službe u samom centru koja bi se bavila isključivo bračnim savjetovanjem, imalo značajan uticaj na smanjenje broja posredovanja, a samim tim i broja razvoda. Prije svega, navedeno savjetovalište bi radilo na podizanju svijesti građana o značaju prevencije problema u braku i njihovom rješavanju u začetku, ali i na samom savjetovanju supružnika o njihovim obavezama, pravima, načinu komunikacije, nekonfliktnim rješavanjima porodičnih problema i sl., a sve to uz podršku stručnih lica.

2.8.2. Saniranje poremećenih porodičnih odnosa, razvod braka i povjera djece

Zakonske osnove:

Prema čl. 281. Porodičnog zakona FBiH kada se u postupku pred sudom odlučuje sa kojim će roditeljem dijete živjeti, o kontaktiranju s roditeljem s kojim neće živjeti te doprinosu u izdržavanju djeteta od strane roditelja sud poziva organ starateljstva da učestvuje u tom postupku, a radi zaštite interesa djeteta.

Aktivnosti Centra

U postupku povjere djece, kontaktiranja djece s roditeljima, kao i o izdržavanju djece Organ starateljstva poduzima sljedeće aktivnosti:

- Utvrđuje materijalno stanje roditelja,
- Utvrđuje stambene prilike roditelja,
- Procjenjuje emocionalnu vezanost djeteta s roditeljima,
- Dostavlja anamneze i mišljenja sudu.

Broj socijalnih anamneza vezano za razvod braka i povjeru djece	Broj mišljenja u sudskim postupcima razvoda braka i povjere djece	Broj saniranja poremećenih porodičnih odnosa
141	40	585

TABELA 11

Po osnovu zaprimljenih predmeta od strane suda, a koji su evidentirani u Tabeli 12., ovaj referat odradio je i 116 izlaska na teren, s tim da se je na određene terene moralo odlaziti i više puta, zbog specifičnosti postupka.

U 2025.godini u Centar za socijalni rad se obratilo oko 585 stranaka po pitanju saniranja porodičnih odnosa. Kada su u pitanju narušeni i poremećeni porodični odnosi obavljan je razgovor sa strankama kako bi uspjeli doći do najboljih rješenja po pitanju njihovog braka, vanbračne zajednice ili mlđb.djece koju su zajednički stekli. U sklopu saniranja poremećenih porodičnih problema uključeni su i različiti dopisi od drugih institucija koji su poslani našoj

Ustanovi, a koji se tiču različitih porodičnih problema, obzirom da je potrebna saradnja svih institucija, odnosno potreban je i multisketorski pristup koji će omogućiti da zajednički djeluju različite nadležne institucije.

U sklopu ovog referata uključene su i terenske posjete porodicama, socijalne anamneze kao i uzimanje izjava od stranaka.

U 2025. godini smo imali donijetih **3** rješenja o određivanju ličnog imena djeteta, te **26** zapisnika o priznavanju očinstva.

2.8.3. Maloljetnički brak

Zakonska osnova:

Na osnovu čl. 342 Porodičnog zakona FBiH Organ starateljstva će sudu dostaviti svoje mišljenje o sklapanju maloljetničkog braka.

Aktivnosti Centra

Organ starateljstva svoje mišljenje o maloljetničkom braku donosi timski na osnovu:

- Saglasnosti oba roditelja,
- Odluka maloljetnika/ce da bez ičije prisile stupi u brak prije navršenog punoljetstva,
- Procjene psihološke, socijalne i emocionalne zrelosti maloljetnika/ce.

U ovoj godini smo imali 2 zahtjeva za izdavanje ovog mišljenja koja su pozitivno riješena.

2.8.4. Nasilje u porodici

Zakonska osnova:

Dana 14.03.2025.godine u Službenim novinama FBiH (BROJ:19/25) proglašen je *Zakon o zaštiti od nasilja u porodici i nasilja prema ženama u FBiH* GDJE JE Centar kao subjekt zaštite žrtve nasilja uključen u cijeli postupak od prijave nasilja, zaštite žrtve do praćenja izrečenih zaštitnih mjera počiniocu nasilja.

Aktivnosti Centra

U 2025. godini imali smo **68 prijavljen slučaj nasilja u porodici** i to uglavnom nasilju nad ženama i djecom.

Broj žena žrtava Nasilja	Broj muškaraca žrtava nasilja	Slučajevi nasilja nad Djecom	Broj izrečenih zaštitnih mjera počiniocima nasilja
40	5	11	123

TABELA 12

Problem na koji Centar nailazi kada se suoči s nasiljem u porodici je nepostojanje skloništa /prihvatišta na području Grada Cazina u kojoj se mogu smjestiti žrtve nasilja u porodici. **Sigurna kuća** u Bijaću nam pruža usluge i postoji određena suradnja koja je dosta dobra. Sigurna kuća ustvari nudi **privremeni smještaj (3-6 mjeseci)**, ali nažalost **ne priprema žrtve** za dalji život kada izađu iz kuće (**nemaju pravnih savjetnika, ne priprema žrtvu za samostalan život izvan kuće i sl.**).

Broj osoba smještenih u Sigurnu kuću: 22 (5 žena sa mldb.djecom, 10 maloljetne djece bez pratnje i 1 lice starije životne dobi)

U budžetu Grada Cazina su planirana sredstva za nužni smještaj odnosno za plaćanje privatnog smještaja ženama i djeci žrtvama nasilja koje nemaju drugi vid smještaja ili su se vratili iz Sigurne kuće. Ovo je privremeni vid pomoći koji traje najduže šest mjeseci. U tom periodu je potrebno raditi sa žrtvama nasilja radi njihovog psihosocijalnog i ekonomskog osnaživanja i osamostaljivanja.

Vlada USK je donijela Odluku o usvajanju utroška sredstava-Socijalno zbrinjavanje žrtava nasilja u porodici te su navedena sredstva prema potrebama žrtava nasilja i raspodjeljena.

2.8.5. Naplata alimentacije

Centrima za socijalni rad u nadležnost je dat i postupak **naplate alimentacije** ukoliko se dužnik nalazi i zaposlen je u inostranstvu. Ovaj postupak je regulisan Konvencijom o ostvarivanju alimentacionih zahtjeva u inostranstvu od **20.06.1956.** godine. U skladu sa ovom

Konvencijom, Centri za socijalni rad upoznaju stranke sa postupkom, koja je dokumentacija potrebna za ostvarivanje alimentacionog zahtjeva, a potom prikupljenu dokumentaciju upućuje Federalnom ministarstvu za rad i socijalnu politiku, koju isti prosljeđuje ministarstvu pravde, a oni je potom upućuju u zemlju u kojoj se dužnik nalazi.

Uloga Centara za socijalni rad u ovom postupku jeste, u stvari, da posreduje između Federalnog ministarstva i stranke, dok na sam tok postupka i način rješavanja nema uticaj.

U 2025. godini broj aktivnih zahtjeva za naplatu alimentacije u inostranstvu je 43.

2.9. MALOLJETNICI U SUKOBU SA ZAKONOM

Zakonska osnova:

U skladu sa obredbama Krivičnog zakona, Centri za socijalni rad provode odgojnu mjeru pojačanog nadzora organa starateljstva /PNOS/, a predstavnik organa starateljstva mora biti prisutan u policiji prilikom uzimanja izjave na zapisnik – ispitivanja ukoliko je neko mladb. lice počinilo neko krivično djelo i ukoliko njegovi roditelji/staratelji nisu prisutni.

Također, dužnost Organa starateljstva je da mjeru pojačan nadzor od strane roditelja /usvojitelja i skrbnika, prati i provjerava izvršenje te mjere, te ukazuje pomoć roditeljima, čl. 83. stav 3. Zakona o krivičnom postupku FBiH.

Aktivnost Centra:

U donjoj Tabeli navedeni su podaci za 2025. godinu:

IZREČENE ODGOJNE MJERE				IZREČENE ODGOJNE PREPORUKE			
UKUPNO	Pojačan nadzor OS	Pojačan nadzor od strane roditelja/staratelja	Sudski Ukor	UKUPNO	Policijsko upozorenje	Lično izvinjenje oštećenom	Uključivanje u rad vezan naknade, u korist humanitarne organizacije ili poslove socijalnog, lokalnog ili ekološkog sadržaja
0	0	0	0	2	1	1	0

TABELA 13

U izvještajnim periodima zadnjih desetak godina uočenu su značajne promjene u strukturi krivičnih djela koja se dovode u vezu sa maloljetnim licima. Prema raspoloživim podacima evidentno je značajno smanjenje broja krivičnih djela koja su ranije bila dominantna u ovoj populaciji, poput krađa, oštećenja tuđe stvari, razbojništva i druga imovinska krivična djela. Navedena krivična djela danas su značajno manje zastupljena, a u zadnjih nekoliko godina gotovo i da nisu evidentirana.

S druge strane uočava se porast i dominantna zastupljenost djela koja se odnose na vršnjačko nasilje, kao i različiti oblici nasilja putem informaciono-komunikacijskih tehnologija tzv. cyber nasilje. Posebno je primjetan porast slučajeva neovlaštenog snimanja, fotografisanja i dijeljenja sadržaja putem društvenih mreža i drugih digitalnih platformi što kod žrtava takvog oblika nasilja ostavlja ozbiljne psihičke i socijalne posljedice. Pored navedenog, u praksi su sve češće zastupljena krivična djela iz oblasti zloupotrebe opojnih droga.

Navedene promjene ukazuju da je došlo do značajne izmjene opsega i karaktera među maloljetnicima te da se tradicionalni oblici imovinskog kriminaliteta sve više zamjenjuju djelima uslovljenim savremenim društvenim okolnostima, digitalnim okruženjem i dostupnošću psihoaktivnih supstanci.

Ovakva struktura delinkvencije zahtjeva kontinuirano prilagodavanje preventivnih programa, pojačanu suradnju s obrazovnim ustanovama, porodicama, policijom, tužilaštvom kao i sistemsku edukaciju djece i roditelja.

U toku 2025. godine pokrenuto su **72 prekršajna postupka** protiv maloljetnih lica i

to zbog ometanja Javnog reda i mira i kršenja Zakona o osnovi sigurnosti u saobraćaju na putevima u BiH (najčešće upravljanje motornim vozilima bez položenog vozačkog ispita, prouzrokovanje saobraćajnih nezgoda i sl.).

U prisustvu službenih lica Centra u PS Cazin uzeto je **29 izjava** od maloljetnih lica bilo da su bili u ulozi svjedoka ili osumnjičenih.

U 2025. godini izdato je 30 uvjerenja o nekažnjavanju maloljetnih lica.

2.10. STARATELJSTVO ZA POSEBAN SLUČAJ

Ova vrsta starateljstva regulisana je također odredbama Porodičnog zakona FBiH (član 197 - 201.). Starateljstvo za poseban slučaj je vid zaštite odsutne osobe čije je boravište nepoznato, a koje nema zastupnika, nepoznatog vlasnika imovine kada je potrebno da se neko o toj imovini stara, zatim djece u sporovima vezanim za ostvarivanje roditeljskog staranja (priznavanje očinstva i majčinstva, oduzimanje prava roditelju da živi sa djetetom, oduzimanjem roditeljskog prava i sl.), kao i stranim državljanima i osoba koje zbog bolesti, starosti ili drugih opravdanih razloga nisu sposobni da se sami staraju o sebi, svojim pravima i interesima. Staratelj za poseban slučaj se imenuje za obavljanje pojedinih poslova ili određenih vrsta poslova.

Poslovi Organa starateljstva koji se obavljaju prilikom imenovanja staratelja za poseban slučaj su: primanje zahtjeva za imenovanje staratelja, vođenje postupka za odabir staratelja, vršenje terenskih posjeta porodici radi utvrđivanja socio-anamnestičkih podataka, provjera prebivališta/boravišta lica, provjere drugih navoda kod nadležnih institucija, donošenje rješenja o imenovanju staratelja za poseban slučaj.

Broj donesenih rješenja o imenovanju staratelja za poseban slučaj	66
Broj obustavljenih zahtjeva za imenovanje staratelja za poseban slučaj	2
Broj donešenih rješenja po službenoj dužnosti	6
Broj zahtjeva za imenovanje staratelja za poseban slučaj u kojem je zahtjev odbijen i imenovan*	3
Broj žalbi	0
Broj prenesenih zahtjeva u 2026. godinu	2
Broj zaprimljenih obavijesti od strane Suda o postavljanju privremenog zastupnika	167
Broj odbijenih zahtjeva za imenovanje staratelja za poseban slučaj	2

TABELA 14

***Napomena:** U pojedinim rješenjima o postavljanju staratelja za poseban slučaj u jednom rješenju su se i određena lica stavljala pod starateljstvo i istim rješenjem odbijao zahtjev za određena lica.

2.11. ZDRAVSTVENA ZAŠTITA

Zakonska osnova:

Pravo na zdravstveno osiguranje putem centra za socijalni rad mogu ostvariti svi korisnici socijalne zaštite i članovi njegove porodice, ukoliko ne postoji drugi osnov za regulisanje zdravstvenog osiguranja.

Vlada USK je **29.06.2005.** godine donijela odluku br. **03-017-1804/2005** o utvrđivanju prava na zdravstveno osiguranje socijalno ugroženih osoba. Po navedenoj Odluci pravo na zdravstveno osiguranje putem Centra za socijalni rad mogu ostvariti osobe čiji prihod po članu domaćinstva **ne prelazi iznos od 20% prosječne plate** ostvarene u FBiH u protekloj godini i koje ovo pravo ne mogu ostvariti po drugom osnovu, a spadaju u neku od sljedećih kategorija:

- trudnica i porodilja sa djetetom uzrasta do 6 mjeseci (ukoliko se brine o djetetu),

- djeca uzrasta od 0 do 6 godina odnosno do polaska u školu,
- osoba sa invaliditetom kao i dijete nesposobno za samostalni život i rad od prije 15-te godine života dok ta nesposobnost traje,

Pravo na zdravstveno osiguranje priznat će se bez obzira na imovinski status osobi koja je oboljela od:

- cerebralne paralize,
- leukemije,
- malignih oboljenja,
- inzulno ovisnog dijabetesa,
- TBC-e i
- Celijakije.

Kantonalno ministarstvo zdravstva i socijalne politike je u decembru 2009. godine dostavilo obavijest Centru prema kojoj **pravo na zdravstvenu zaštitu bez obzira na imovinski cenzus imaju djeca od rođenja do polaska u školu kao i lica starija od 65 godina.**

Dana 11.02.2016. godine Vlada USK je donijela Odluku o izmjenama i dopunama Odluke broj 03-017-1804/2005 od 29.06.2005. godine, kojom se navedena Odluka proširila za određene kategorije i to:

- **Teški duševni bolesnici** koji zbog prirode i stanja bolesti mogu ugroziti svoj život ili život drugih lica, ili pak oštetiti materijalna dobra, a nalaze se ili su se nalazili na bolničkom liječenju pod šifrom bolesti: F20 i svim podtačkama (od F20.0 do F20.9).
- **Ovisnici o teškim drogama**, registrovanim u centrima za mentalno zdravlje, odnosno odjelu neuropsihijatrije, za vrijeme detoksikacije i liječenja
- **Lica oboljela od epilepsije, te davatelji i primatelji organa.**

2023.godine svojom Odlukom Vlada USK-a je proširila listu stanja koja se mogu osigurati putem Centra, i to: lica oboljela od teških zaraznih bolesti, hronične bolesti, oboljeli od pregresivnih neuromišićnih oboljenja, cerebralne paralize, multiple skleroze, paraplegije, kvadriplegije, zdravstvene usluge vezano za darovanje krvi te žrtve nasilja u porodici.

Aktivnosti Centra

Broj osiguranih lica **po osnovu Odluke Vlade USK-a broj: 03-017-1804/2005** od 29.06.2005. godine i Zakona o zdravstvenom osiguranju („Službene novine Federacije BiH“ br. 30/97) zaključno sa 31.12.2025. godine je **iznosio 300**. Broj podnešenih zahtjeva za

zdravstvenu zaštitu je 37. Tokom 2025. godine za 28 lica je ukinuto pravo na zdravstvenu zaštitu.

Broj podnesenih zahtjeva za ostvarivanje prava na zdravstvenu zaštitu	37
Broj donesenih rješenja o priznavanju prava na zdravstvenu zaštitu	36
Broj odbijenih zahtjeva za priznavanje prava na zdravstvenu zaštitu	0
Broj obustavljenih postupaka o priznavanju prava na zdravstvenu zaštitu	1
Broj žalbi	0
Broj zahtjeva koji nisu riješeni do 31.12.2025.godine	0
Broj lica kojima je ukinuto pravo na zdravstvenu zaštitu po osnovu odluke vlade usk-a, do 31.12.2025.godine	28

TABELA 15

Zakonska osnova:

Od **01.01.2009.** godine na snazi su odredbe Zakona o izmjenama i dopunama zakona o zdravstvenom osiguranju („sl. Novine FBiH“, broj 70/2009) kojima su kao nove kategorije osiguranika uvedna **djeca od rođenja i osobe navršениh 65 godina života**, a kao obveznici uplate doprinosa za zdravstveno osiguranje za ove dvije kategorije navedeno je da tijelo uprave kantona mjerodavno za poslove socijalne i dječije zaštite.

Aktivnosti Centra

Zaključeno sa 31.12.2024. godine **broj osiguranih lica po osnovu Zakona o zdravstvenom osiguranju** („Službene novine Federacije BiH“, br.30/97 i 70/08) u toku 2022. godine iznosio je:

- **123** djece od rođenja do polaska u školu,
- **572** lica koja su navršila 65. godina.

Broj podnesenih zahtjeva za ostvarivanje prava na zdravstvenu zaštitu u toku 2025. godine	74
Broj donesenih rješenja o priznavanju prava na zdravstvenu zaštitu	74
Broj rješenja o odbijanju zahtjeva	0
Broj obustavljenih postupaka o priznavanju prava na zdravstvenu zaštitu	0
Broj žalbi	0
Broj rješenja o prekidu prava(smrt, drugi osnov i sl.) licima preko 65 godina starosti	22
Broj odjavljenih maloljetnih lica sa zdravstvenog osiguranja zbog polaska u školu	20
Broj odjavljenih maloljetnih lica sa zdravstvenog osiguranja zbog nastanka drugog osnova	6

TABELA 16

2.12. CIVILNE ŽRTVE RATA

Zakonska osnova:

Zaštita ove kategorije lica osigurana je zakonskim odredbama Zakonom o izmjenama i dopunama zakona o osnovama socijalne zaštite, zaštite CŽR-a i zaštite porodice sa djecom. Po ovim izmjenama Zakona, civilna žrtva rata je osoba kod koje je tokom rata ili neposredne ratne opasnosti uslijed ranjavanja ili nekog drugog oblika ratne torture nastupilo oštećenje organizma što uključuje mentalno oštećenje ili značajno narušavanje zdravlja ili nestanak ili pogibiju te osobe. Po ovom zakonu posebna kategorija CŽR-a su osobe koje su preživjele seksualno zlostavljanje i silovanje.

Status CŽR-a priznaje se i osobi kod koje je došlo do naknadnog oštećenja organizma, kao i civilnim osobama i pripadnicima snaga bivše tzv.“APZB“

Aktivnosti Centra:

	LIČNA INVALIDNINA	PORODIČNA INVALIDNINA
Broj podnešenih zahtjeva	2	8
Broj rješenja o priznavanju prava	2	8
Broj rješenja o ukidanju prava zbog smrti	0	0

TABELA 17

Trenutno na evidencijama centra se vodi 191 CŽR.

2.13. PORODILJE

2.13.1. Naknada plate ženi-majci u radnom odnosu

Zakonska osnova:

Pomenuta naknada je jedan od vidova zaštite porodice sa djecom i regulisan je odredbama Zakona o socijalnoj zaštiti, zaštiti CŽR-a i zaštiti porodice sa djecom (čl.100). U skladu sa ovim zakonom ova naknada iznosi **50%** od ostvarene prosječne plate ostvarene šest mjeseci prije poroda.

Aktivnosti Centra

U izvještajnom periodu podneseno je **82 zahtjeva za priznavanje prava na naknadu plate ženi majci u radnom odnosu. 82 zahtjeva su pozitivno riješena.**

2.13.2. Novčana pomoć nezaposlenoj porodilji USK-a

Pravo na naknadu nezaposlenoj porodilji po novom zakonu stupio je na snagu 09.10.2022. godine Zakonom o materijalnoj podršci porodicama sa djecom u FBiH, u kojem je regulisana materijalna pomoć u iznosu 550,00 KM mjesečno svakoj nezaposlenoj porodilji na području

Grada Cazina. Donošenjem ovoga novog zakona, stari zakon je stavljen van snage.

Do kraja 2025. godine, zaprimljeno je 180 zahtjeva za isto pravo, a isto toliko je donijeto rješenja.

Aktivnosti Centra

Broj podnesenih zahtjeva u 2025. Godini	Ukupan broj priznatih zahtjeva u 2025. godini	Ukupan broj odbijenih zahtjeva
180	<u>180</u>	0

TABELA 19

2.13.3. Jednokratna novčana pomoć namjenjena novorođenčadima sa područja Grada Cazina

Pravo na ovu jednokratnu novčanu pomoć ima svako živo rođeno dijete s područja Grada Cazina. Visina naknade iznosi 100,00 KM, a sredstva se obezbjeđuju iz budžeta Grada Cazina.

U 2025.godini podnešeno je 217 zahtjeva i donešeno isto toliko rješenja. Sva prava su priznata.

2.13.4. Pomoć majkama /starateljama koje imaju troje ili više maloljetne djece

Za ovaj vid pomoći majkama ili starateljama koje imaju troje ili više maloljetne djece sredstva su obezbjeđena iz budžeta Grada Cazina.

U 2025.godini za ovaj vid pomoći podnešeno je **437 zahtjeva** od čega je **436 priznatih prava** dok je jedan zahtjev odbijen jer stranka nije ispunjavala uvjete određene Pravilnikom (sva djeca nisu bila maloljetna).

2.14. Psihosocijalna zaštita djece i odraslih

S obzirom na to da se psihosocijalni rad odnosi na rad s pojedincima, porodicama i grupama, opseg aktivnosti i usluga koje se u okviru njega pružaju vrlo je velik. Jedan oblik usluga odnosi se na i psihosocijalnu rehabilitaciju, intenzivnu podršku porodici u krizi, psihološko savjetovanje i psihoterapiju. U svom radu, psiholog je usmjeren na psihološko, emocionalno i socijalno osnaživanje korisnika, promjenu i prilagodbu njihovog ponašanja te na razvoj njihovih vlastitih potencijala za prevladavanje kriza i teškoća. U Centru za socijalni rad psiholog radi na sljedećim poslovima:

- Na poslovima vezanim uz brak, razvod te odnose roditelja i djece, psiholog je uključen u procjenu porodične situacije, promatranje porodične dinamike i sredine. Također, procjenjuje stupanj ugroženosti djeteta u porodici i sudjeluje u procjeni roditelja i djece kod odlučivanja s kim će dijete živjeti.
- Na poslovima usvojenja i starateljstva, psiholog je uključen u procjenu potencijalnih usvojitelja/staratelja, sudjeluje u pripremi i djeteta i usvojitelja na samo usvojenje i sl.
- Na poslovima zaštite djece s poremećajima u ponašanju, psiholog sudjeluje u procjeni maloljetnika, roditelja i porodične dinamike te u izradi plana i programa provođenja odgojnih mjera/preporuka.
- Na poslovima zaštite osoba s posebnim potrebama, psiholog sudjeluje u savjetodavnom radu s osobama i s roditeljima djece s posebnim potrebama
- Radi na pružanju psihološke pomoći i podrške osobama s duševnim smetnjama i njihovim porodicama
- Radi savjetodavni i psihoterapijski rad sa školskom djecom koja pokazuju rizične oblike ponašanja

U toku prošle godine urađeno je 62 psihološke procjene te donešeno isto toliko psiholoških nalaza i mišljenja, a maloljetnim i punoljetnim licima je pruženo 528 savjetodavnih i psihoterapijskih usluga.

2.14. Subvencioniranje troškova prevoza učenika srednjih škola u Gradu Cazinu

Zakonska osnova:

Na osnovu Zakona o upravnom postupku (Sl. Novine FBiH 2/98 i 48/99), donešen je Pravilnik o finansiranju troškova prevoza učenika srednjih škola u Gradu Cazinu, broj: 03/31-166/25.

Aktivnosti Centra:

Ukupan broj primljenih zahtjeva za školsku 24/25 godinu	263
Broj riješenih zahtjeva	263
Broj odbijenih zahtjeva	0

TABELA 19

Ukupno je zaprimljeno 263 zahtjeva od učenika iz svih razreda srednje škole, ali sredstva su isplaćena samo do kraja juna 2025.godine, jer nije bilo dovoljno sredstava predviđenih u budžetu za ovu namjenu.

2.15. Trgovina ljudima (Prosjačenje)

Kada je u pitanju trgovina ljudima potreban je i određeni multidisciplinarni pristup gdje će biti izražena saradnja Centra sa policijom, školama, vrtićima i zdravstvenim ustanovama. Shodno tome, angažovan je Mobilni tim za identifikaciju (MIT) potencijalnih žrtava trgovine ljudima Grada Cazin, a u okviru projekta “Jačanje proaktivne identifikacije, mentalnog zdravlja i psihosocijalne podrške za prevenciju i borbu protiv krijumčarenja i trgovine ljudima u BiH (i regionu)”. Obzirom da postoje različiti oblici trgovine ljudima, a potrebno je istaknuti da je i na našim prostorima najprisutniji onaj pod nazivom “prisilno prosjačenje” iako se ni ostali oblici ne mogu zanemariti, planirano je jačanje svih kapaciteta za prepoznavanjem generalnih i posebnih indikatora svih oblika trgovine ljudima. Svakako da često imamo prijavljene slučajeve prosjačenja, odnosno zatiču se maloljetna djeca, za koju se sumnja da ih roditelji iskorištavaju u te svrhe, što se u konačnici može tretirati kao trgovina ljudima, radit ćemo i na prevenciji navedenog uz obaveznu koordinaciju sa policijom. Tako je bitno napomenuti da je od mjeseca oktobra 2024.godine, u sklopu redovnih aktivnosti MIT-a, određeno nekoliko zadataka koordinacije MIT-a što uključuje osiguravanje minimalno 4 izlaska na teren Mobilnog tima za identifikaciju tokom jednog mjeseca, priprema i podnošenje mjesečnog izvještaja, minimum 4 fotografije aktivnosti sa terena, proaktivno praćenje progressa, potreba i prioriteta MIT-a te komuniciranje istih i zagovaranje za iste prema relevantnim nosiocima procesa i praćenje progressa i izvještavanje istog za potrebe pripreme konačnog izvještaja za projektnog donatora. Također je o radu MIT-a definisan i poslovnik radu te je od strane članova mobilnog tima potpisana i politika zaštite djeteta i

odraslih korisnika, shodno čemu bi se u narednom periodu na sastancima MIT-a konstantno govorilo o bitnosti ove politike kao i profesionalne prakse stručnjaka koji su uključeni u ovaj projekat.

U 2025.godini brojke zatečenih osoba koje se bave prosjačenjem iznosio je otprilike od oko 30 osoba, što muških odraslih lica, ženskih odraslih lica kao i djece. Puno veća je prisutnost ženskih odraslih lica koja se bave prosjačenjem.

Svakako primjetan je veliki broj osoba koje se bave prosjačenjem a koje su označene kao povratnici u prosjačenju, odnosno iste osobe se ponavljaju više puta u toku jedne godine.

2.16. Broj primljenih stranaka

Broj primljenih stranaka u okviru svih referata u JU Centru za socijalni rad Cazin u 2025.godini je iznosi **8358**. Naravno ovaj broj je i veći, a radi se o broju ljudi koji su evidentirani po raznim pitanjima zbog kojih su se javili u Centar.

NAPOMENA: Zbog specifičnosti poslova koji se obavljaju u Centru broj stranka ustvari predstavlja broj slučajeva koji su se po raznim pitanjima obratili u Centar. Međutim, u nekom slučaju za određeni postupak (npr.razvod braka, nasilje u porodici, smještaj i sl.) obavlja se veliki broj aktivnosti od uzimanja izjave, terenske posjete porodici, savjetodavnog rada i sl. Isto tako maloljetnici kojima je izrečena odgojna preporuka se u zavisnosti od individualnog plana praćenja svake sedmice javljaju u Centar sve dok traje izrečena preporuka (od 6 mjeseci do godinu dana).

3. DEŽURNI RAD

JU “Centar za socijalni rad” Cazin redovno obavlja “**dežurni rad**“ i surađuje sa policijskom stanicom i ostalim ustanovama gdje je potrebna intervencija i prisutnost uposlenika Centra za socijalni rad, nakon radnog vremena, vikendom, u večernjim satima, praznicima i sl. Obzirom da dežurni rad nije regulisan zakonom, odlukom ili pravilnikom način i raspored dežurstva je dogovoren interno tako da u svako vrijeme jedan od uposlenika Centra za socijalni rad stoji na raspolaganju PU Cazin i ostalim ustanovama. U toku 2025. godine uposlenici JU Centra za socijalni rad su imali **110 intervencija**.

4. VIZIJA/TEŽNJA

Centra za socijalni rad Cazin, je ustanova socijalne zaštite u Gradu prepoznatljiva po svojoj stručnosti, kreativnosti, razvoju usluga socijalne zaštite primjerenim potrebama korisnika, nosilac istraživanja, planiranja i realizacija socijalnih aktivnosti u Gradu za zadovoljavanje socijalnih potreba kao i razvoju sistema socijalne zaštite.

Centar za socijalni rad je stručna ustanova koja se bavi prevencijom nastanka socijalnih rizika, nudi pomoć ljudima koji se nađu u stanju socijalne potrebe, nudi različita savjetovanja, podršku, pomoć, osnaživanje klijenata i nastaviti će se i u budućnosti baviti sa ovim zadatkom.

5. FINANSIJSKI IZVJEŠTAJ JU CENTRA ZA SOCIJALNI RAD CAZIN ZA 2025.GODINU

I PRIHODI

Ekonomski kod	O P I S	Ostvareno za period 01.01.do 31.12.2024	Plan za 2025.godinu	Ostvareno za period 01.01. do 31.12.2025.	Indeks (4/3)
	1	2	3	4	5
	UKUPNI PRIHODI OBRAČUNSKOG PERIODA	4.294.583,35	5.802.480,00	5.456.135,20	94%
	PRIHODI OD FINANSIRANJA	0,00	0,00	0,00	0
731121	Transferi od organizacija	0,00	0,00	0,00	0
	OSTALI PRIHODI	868.034,08	1.407.911,32	1.208.863,43	86%
732112	Prihod od Federalnog ministarstva	7.307,74	7.911,32	7.911,32	100%
732112	Prihod od Federalnog ministarstva-naknada za roditelje-njegovatelje	860.726,34	1.400.000,00	1.200.952,11	86%
	PRIHODI OD BUDŽETA OPĆINE	858.485,32	1.049.568,68	953.192,50	91%
	PRIHOD ZA BENEFICIJE SOCIJALNE ZAŠTITE	2.568.063,95	3.345.000,00	3.294.079,27	99%
732111	Prihod od Ministarstva za ljudska prava BiH	0	0	0	0
732114	Prihod od Kantonalnog ministarstva zdravstva i socijalne politike	2.294.624,55	2.900.000,00	2.861.600,30	99%
722611	Prihod od pružanja usluga građanima	0,00	0,00	0,00	0,00%
	PRIHOD OD BUDŽETA GRADA ZA BENEFICIJE	273.439,40	445.000,00	432.478,97	98%
	Ostali transferi-materijalno socijalno zbrinjavanje-Budžet Grada Cazin	69.988,00	45.000,00	44.997,00	100%
	Ostali transferi-materijalno socijalno zbrinjavanje-nužni smještaj	6.000,00	5.000,00	4.800,00	96%
	Troškovi prevoza učenika srednjih škola-Budžet Grada Cazin	102.255,00	100.000,00	94.430,00	95%
	Novčana podrška za novorođenčad	25.200,00	25.000,00	22.200,00	89%
	Participacija liječenja teško oboljelih sa područja općine Cazin	69.996,40	70.000,00	69.851,97	100%

	Jednokratna naknada za majke sa troje ili više djece	0,00	200.000,00	196.200,00	99%
--	--	------	------------	------------	-----

Uspostavljanjem trezorskog poslovanja sa 01.01.2012.godine, svi prihodi se slijevaju u JRT, a u trezoru se vodi evidencija o naplaćenim prihodima svakog budžetskog korisnika i sve transakcije se odvijaju preko JRT-a. Prema odredbama Zakona o budžetima korisnici budžeta mogu trošiti samo ono što je ostvareno i u one svrhe i obimu koje su budžetom predviđene. Iz toga proizlazi da JU Centar za socijalni rad kao korisnik budžeta ne može trošiti sredstva u svrhe koje nisu budžetom predviđene, tako da i upotreba prihoda mora biti utvrđena godišnjim budžetom.

U skladu sa navedenim naša ustanova je planirala prihode za 2025.godinu u iznosu od 5.802.480,00 KM i kako smo i naveli u tabeli prihoda, ostvareni prihod za 2025.godinu iznosi **5.456.135,20** KM što čini 94 % ostvarenih u odnosu na planirane prihode.

Ostvareni prihod od **2.861.600,30** KM koristio se za beneficije socijalne zaštite / socijalne pomoći, naknade za čekanje na zaposlenje, dodatak za tuđu pomoć i njegu, hraniteljstvo, smještaj u ustanovama socijalne zaštite, porodiljama u radnom odnosu, nezaposlene porodilje, dodatna pomoć nezaposlenima porodiljama, naknadu za treće i svako naredno dijete i sl/ i čini 99 % ostvarenih u odnosu na planirane prihode.

Prihod od **209.461,77** KM se koristi također za beneficije socijalne zaštite, to je prihod koji je plaćaju roditelji-staratelji na ime učešća u troškovima smještaja u ustanovama socijalne zaštite, i isti se uplaćuje na transakcijske račune ustanova gdje su smješteni šticenici.

Prihod od **1.200.952,11** KM odnosi se na naknade roditeljima-njegovateljima i doprinose i čini 86% ostvarenih u odnosu na planirane prihode.

Prihod od **7.911,32** KM od Federalnog ministarstva rada i socijalne politike Sarajevo- „ Transfer za provođenje federalnih zakona socijalne zaštite i dječije zaštite i osoba sa invaliditetom.

II RASHODI

RAZDJEL 02 - JU "CENTAR ZA SOCIJALNI RAD" CAZIN

FUNKCIONALNI KOD 1091

EKONOMSKI KOD	OPIS	IZVRŠENJE BUDŽETA ZA 2023. GODINU ZA PERIOD 01. 01. - 31. 12. 2024. GODINE	Sredstva Budžeta Grada Cazin za 2025. godinu	Raspored prihoda od vlastitih djelatnosti i donacija	BUDŽET ZA 2025. GODINU	IZVRŠENJE BUDŽETA ZA 2025. GODINU ZA PERIOD 01. 01. - 31. 12. 2025. GODINE	Indeks 7/6
1	2	3	4	5	6	7	8
	UKUPNO	4.294.583,35	1.494.568,68	4.307.911,32	5.802.480,00	5.456.135,20	94%

	I TEKUĆI IZDACI	4.249.671,13	1.417.968,68	4.307.911,32	5.725.880,00	5.388.882,13	95%
	PLAĆE I NAKNADE TROŠKOVA ZAPOSLENIH	1.519.951,04	791.060,00	1.400.000,00	2.191.060,00	1.949.436,03	89%
611000	BRUTO PLAĆE I NAKNADE	604.931,44	668.200,00	0,00	668.200,00	653.619,01	98%
611100	Bruto plaće i naknade	604.931,44	668.200,00	0,00	668.200,00	653.619,01	98%
611200	NAKNADE TROŠKOVA ZAPOSLENIH	81.642,20	122.860,00	0,00	122.860,00	94.864,91	78%
611211	Naknade za prijevoz s posla i na posao	12.050,90	17.000,00	0,00	17.000,00	11.790,90	74%
611221	Ostale naknade - topli obrok	54.972,30	79.860,00	0,00	79.860,00	57.836,51	73%
611224	Ostale naknade - regres za godišnji odmor	14.619,00	16.500,00	0,00	16.500,00	15.739,50	96%
611225	Otpremnina zbog odlaska u mirovinu	0,00	0,00	0,00	0,00	0,00	0,0%
611227	Ostale naknade - pomoć u slučaju smrti i teže invalidnosti radnika	0,00	9.500,00	0,00	9.500,00	9.498,00	100%
611233	Naknade i doprinosi za roditelje njegovatelje	833.377,40	0,00	1.400.000,00	1.400.000,00	1.200.952,11	86%
612000	DOPRINOSI POSLODAVCA	71.910,76	63.300,00	0	63.300,00	59.957,51	95%
612000	Doprinosi na teret poslodavca	63.978,46	52.100,00	0	52.100,00	51.133,95	99%
612200	Ostali doprinosi	7.932,30	11.200,00	0	11.200,00	8.823,56	79%
613000	IZDACI ZA MATERIJAL I USLUGE	89.745,38	115.608,68	7.911,32	123.520,00	83.073,09	68%
613100	PUTNI TROŠKOVI	3.336,55	6.000,00	0,00	6.000,00	3.458,05	58%
613110	Troškovi službenih putovanja u zemlji	3.215,55	4.000,00	0,00	4.000,00	2.751,85	69%
613120	Troškovi službenih putovanja u inozemstvo	121,00	2.000,00	0,00	2.000,00	706,20	36%
613200	IZDACI ZA ENERGIJU	2.431,57	8.088,68	611,32	8.700,00	4.014,92	47%
613210	Izdaci za energiju (izdaci za električnu energiju, centralno grijanje)	2.431,57	8.088,68	611,32	8.700,00	4.014,92	47%
613300	IZDACI ZA KOMUNIKACIJU I KOMUNALNE USLUGE	15.458,08	14.500,00	4.000,00	18.500,00	14.376,31	78%
613310	Izdaci za komunikaciju (izdaci za telefon, Internet, poštanske usluge, usluge dostave)	14.343,50	13.000,00	3.000,00	16.000,00	13.271,02	83%
613320	Izdaci za komunalne usluge (izdaci za vodu i kanalizaciju, odvoz smeća, usluge održavanja čistoće, usluge obezbjeđenja)	1.114,58	1.500,00	1.000,00	2.500,00	1.105,29	45%
613400	NABAVKA MATERIJALA I SITNOG INVENTARA	7.265,06	9.000,00	3.300,00	12.300,00	5.599,77	46%
613410	Administrativni materijal i ostali troškovi	7.265,06	9.000,00	3.300,00	12.300,00	5.599,77	46%
613500	IZDACI ZA USLUGE PREVOZA I GORIVA	6.113,71	8.520,00	0,00	8.520,00	5.541,68	65%

613510	Gorivo za prijevoz	5.306,16	7.020,00	0,00	7.020,00	5.047,66	72%
613520	Prijevozne usluge (registracije motornih vozila, usluge premještanja i selidbe)	807,55	1.500,00	0,00	1.500,00	494,02	33%
613700	IZDACI ZA TEKUĆE ODRŽAVANJE	7.798,12	8.500,00	0,00	8.500,00	6.133,57	73%
613710	Materijal za popravke i održavanje	6.137,65	6.000,00	0,00	6.000,00	5.032,56	84%
613720	Usluge popravki i održavanja	1.660,47	2.500,00	0,00	2.500,00	1.101,01	44%
613800	IZDACI OSIGURANJA, BANKARSKIH USLUGA I USLUGA PLATNOG PROMETA	3.921,82	4.000,00	0,00	4.000,00	3.060,06	77%
613812	Osiguranje vozila	3.921,82	4.000,00	0,00	4.000,00	3.060,06	77%
613900	UGOVORENE I DRUGE POSEBNE USLUGE	43.420,47	57.000,00	0,00	57.000,00	40.888,73	72%
613910	Izdaci za informisanje (usluge medija, usluge javnog informiranja i odnosa s javnošću)	3.047,47	4.500,00	0,00	4.500,00	2.848,95	64%
613920	Usluge za stručno obrazovanje (usluge stručnog obrazovanja, izdaci za specijalizaciju i školovanje, usluge održavanja konvencija i školovanje)	1.268,94	6.500,00	0,00	6.500,00	3.600,56	56%
613934	Stručne usluge	3.945,04	6.000,00	0,00	6.000,00	5.184,07	87%
613960	Zatezne kamate i troškovi spora	800,00	2.000,00	0,00	2.000,00	0,00	0,00%
613970	Naknada za članove upravnog odbora, nadzornog odbora	7.479,99	8.500,00	0,00	8.500,00	6.340,00	75%
613980	Izdaci za poreze doprinose	1.733,25	2.500,00	0,00	2.500,00	1.452,00	58%
613990	Ostale nespomenute usluge i dadžbine -	25.145,78	27.000,00	0,00	27.000,00	21.463,15	80%
614000	TEKUĆI TRANSFERI	2.568.063,95	445.000,00	2.900.000,00	3.345.000,00	3.294.079,27	99%
614200	Beneficije za socijalnu zaštitu- ministarstvo	2.294.624,55	0,00	2.900.000,00	2.900.000,00	2.861.600,30	99%
614229	Ostale isplate pojedincima-jednokratna naknada za majke sa troje ili više djece	0,00	200.000,00	0,00	200.000,00	196.200,00	99%
614239	Ostali transferi pojedincima	171.184,40	145.000,00	0,00	145.000,00	141.848,97	98%
614243	Troškovi prevoza učenika srednjih škola	102.255,00	100.000,00	0,00	100.000,00	94.430,00	95%
616000	IZDACI ZA KAMATE	0,00	3.000,00	0,00	3.000,00	2.336,23	78%
616339	Kamate na pozajmice od ostalih domaćih pozajmljivača	0,00	3.000,00	0,00	3000,00	2.336,23	78%
	II KAPITALNI IZDACI	44.912,22	76.600,00	0,00	76.600,00	67.253,07	88%
821000	IZDACI ZA NABAVKU STALNIH SREDSTAVA	44.912,22	76.600,00	0,00	76.600,00	67.253,07	88%
821000	Izdaci za nabavku stalnih sredstava	44.912,22	76.600,00	0,00	76.600,00	67.253,07	88%

Bilješka 1. Plaće i naknade troškova zaposlenih

Krajem 2025.godine u JU Centar za socijalni rad je bilo 21 zaposlenih i to :

- Direktor
 - VSS - 16 zaposlenika / 8 socijalnih radnika, psiholog, soc. pedagog, pravnik, fin.knjigovođa, referent za javne nabavke, stručni suradnik za računovodstvene poslove, koordinator aktivnosti Centra i logoped/
 - SSS - 3 zaposlenika /administrativni radnik, vozač- kurir, arhivar
 - NKV - 1 zaposlenik/ čistačica
- Naknada za topli obrok u 2025.godini iznosila je 1% od prosječne neto plaće u FBiH prema posljednjem statističkom podatku, a isplata se odnosi na 19 zaposlenih.
- Troškovi prijevoza u iznosu od 11.790,90 KM se odnose na 11 zaposlenika.
- Regres za godišnji odmor za 2025. godinu isplaćen je u ukupnom iznosu od 15.739,50 KM za 21 zaposlenika.

Bilješka 2. Izdaci za materijal i usluge

Ukupni izdaci za materijal i usluge iznose **83.073,09 KM.**

Ekonomski kod	Naziv izdatka	Ostvareno od 01.01 do 31.12.2024.godine	Ostvareno od 01.01 do 31.12.2025.godine	Indeks 4/3
1	2	3	4	5
613110	Putni troškovi dnevnice za sl. putovanja	3.215,55	2.751,85	86%
613120	Putni troškovi u inostranstvo	121,00	706,20	584%
613200	Izdaci za el. energiju i pelet	2.431,57	4.014,92	166%
613300	Izdaci za kom.usluge/telefon,internet,poštanske usluge, izdaci za vodu i smeće/	15.458,08	14.376,31	93%
613400	Nabavka materijala i sitnog inventara	7.265,06	5.599,77	77%
613500	Izdaci za usluge prevoza i goriva	6.113,71	5.541,68	91%
613700	Izdaci za tekuće održavanje	7.798,12	6.133,57	79%
613800	Izdaci osiguranja i usluge bankarstva	3.921,82	3.060,06	78 %
613900	Ugovorene i druge posebne usluge/ naknade za UO/	43.420,47	40.888,73	95%
S V E G A :		90.500,70	83.073,09	92%

Stavka izdaci za komunalne usluge u ukupnom iznosu od **14.376,31 KM** sastoji se od sljedećih stavki:

- 2.565,26 KM – izdaci za telefonske usluge
- 948,06 KM – izdaci za internet
- 8.424,69 KM – izdaci za poštanske usluge
- 1.333,01 KM – izdaci za mobilne telefone
- 406,57 KM – izdaci za vodu i kanalizaciju

- 698,72 KM – izdaci za usluge odvoza smeća

Bilješka 3. Tekući transferi

Tokom godine isplaćeno je na ime beneficija za socijalnu zaštitu iznos od **3.294.079,27 KM** od toga je :

- **432.478,97 KM** isplaćeno iz budžeta Grada Cazin
 - a/ 44.997,00 KM za isplatu jednokratnih i izuzetnih novčanih pomoći za socijalno ugrožene osobe sa područja našeg Grada;
 - b/ 94.430,00 KM za troškove prevoza učenika srednjih škola;
 - c/ 22.200,00 KM za novčanu podršku novorođenčadima;
 - d/ 69.851,97 KM za participaciju liječenja teško oboljelima;
 - e/ 4.800,00 KM za nužni smještaj korisnika socijalne pomoći;
 - f/ 196.200,00 KM za jednokratne naknade majkama sa troje ili više djece.
- **2.861.600,30 KM** isplata beneficija socijalne zaštite koje se finansiraju od strane Kantonalnog ministarstva zdravstva, rada i socijalne politike Bihać i dijelom od učešća koji roditelji- staratelji plaćaju za smještaj u ustanovama.

BENEFICIJE SOCIJALNE ZAŠTITE

Tabela 1.

r.broj	Beneficije socijalne zaštite	Ostvareno od 01.01. do 31.12.2024.godine	Ostvareno od 01.01. do 31.12.2025.godine	Indeks (4/3)
1	2	3	4	5
01.	Jednokratne novčane pomoći od strane Kantonalnog ministarstva	15.000,00	14.150,00	66%
02.	Socijalne pomoći	30.781,56	36.609,69	93%
03.	Naknada za čekanje na zaposlenje	1.262,00	1.548,00	108%
04.	Dodatak za tuđu pomoć i njegu	1.892,00	1.544,00	54%
05.	Smještaj u ustanovama socijalne zaštite	524.580,21	616.395,43	118%
06.	Djeca na specijalnom školovanju	0,00	0,00	0
07.	Porodični smještaj – djeca i odrasla lica	0,00	0,00	0
08.	Porodilje van radnog odnosa	767.916,36	1.258.181,70	99%
09.	Porodilje u radnom odnosu	681.296,26	833.298,13	94%
10.	Refundacija medicinskog vještačenja	14.596,36	21.782,73	118%
11.	Sredstva za dječiju nedjelju	0,00	0,00	0
12.	Hraniteljstvo	10.326,84	7.809,22	97%
13.	Troškovi postupka za beneficije soc.zaštite	0,00	0,00	0
14.	Naknada za treće i svako naredno dijete	36.000,00	36.000,00	95%
15.	Ograničena materijalna pomoć	0,00	0,00	0
16.	Dodatna pomoć nezaposlenim porodiljama	206.772,96	31.281,40	100%
17.	Soc.zbrnjavanje žrtava nasilja	4.200,00	3.000,00	100%
	UKUPNO:	2.294.624,55	2.861.600,30	75%

Isplate naknada i doprinosa roditeljima-njegovateljima koje se finansiraju od strane Federalnog ministarstva zdravstva, rada i socijalne politike su svrstane u plaće i naknade troškova zaposlenih dok su ranije budžetom planirane u sklopu beneficija socijalne zaštite. Iznos isplata za 2025.godinu je **1.200.952,11 KM** odnosi se na period od decembra 2024.godine do

novembra 2025.godine.

Isplata za beneficije socijalne zaštite u 2025.godini je tekla na sljedeći način:

- Stalne novčane pomoći , naknada za čekanje na posao i dodatak za tuđu pomoć i njegu isplaćeni su za 12 mjeseci i to za period **decembar 2024.godine – novembar 2025.godine**
- Troškovi smještaja u ustanovama socijalne zaštite iznose 524.580,21 KM i prikazani su za cijelu 2025.godinu jer se knjiženje vrši na osnovu ispostavljenih faktura od strane ustanove i zavoda gdje su štíćenici smješteni, a od navedenog iznosa 66% troškova snosi resorno ministarstvo, dok 34% snosi se od učešća-roditelja-staratelja iz ličnih primanja štíćenika i srodnika.
- isplata za smještaj u ustanovama u 2025.godini bila je za 12 mjeseci za period **decembar 2024.godine –novembar. 2025.godine;**
- hraniteljstvo se odnosi na period **decembar 2024.godine – novembar 2025.godine.**
- porodilje u radnom odnosu, isplaćene su za 17 mjeseci za period **juli 2024.godine- novembar 2025.godine.**
- porodilje van radnog odnosa tokom godine isplaćene su za 12 mjeseci a odnose se za period **decembar 2024 godine –novembar 2025.godne.**
- naknada za treće i svako naredno dijete isplaćena je za period **decembar 2024. godine- novembar 2025.godine**

Dugovanja ministarstva zdravstva rada i socijalne politike Bihać za beneficije socijalne zaštite zaključno sa 31.12.2025.godine iznose KM i to:

Tabela 2.

Beneficija socijalne zaštite	Iznos dugovanja	Period dugovanja
Porodilje u radnom odnosu	53.252,76	Decembar 2025.godine
Porodilje van radnog odnosa	93.433,77	Decembar 2025.godine
Smještaj u ustanovama socijalne zaštite	34.533,21	Decembar 2025.godine
Stalne novčane pomoći, naknade za čekanje i tñnj	2.878,13	Decembar 2025.godine
Hraniteljstvo	617,85	Decembar 2025.godine
Naknada za treće i svako naredno dijete	4.500,00	Decembar 2025.godine
Medicinsko vještačenje	0,00	Decembar 2025.godine
Dodatna pomoć nezaposlenim porodiljama	0,00	Decembar 2025.godine
UKUPNO :	189.215,72	

Bilješka 4. Izdaci za nabavku stalnih sredstava

Ukupna izdvajanja za nabavku stalnih sredstava iznose **67.253,07 KM**. Na prevoznu opremu se odnosi iznos od **9.873,09 KM**, na uredsku opremu iznos od **1.378,19 KM** dok se preostali iznos od **56.001,79 KM** odnosi na ulaganje u tuđa stalna sredstva- adaptacija i uređenje dvoriša JU Centar za socijalni rad.

U 2024.godini Federalno ministarstvo rada i socijalne politike doznačilo je sredstva u iznosu od 52.036,00 KM za adaptaciju i uređenje postojećih objekata a razlog neostvarivanja ovih izdataka posljedica je nepotpisivanja ugovora sa izvođačima radova, jer se ugovor nije mogao zbog vremenski kratkog roka potpisati u 2024.godini, pa su ista sredstva planirana u budžetu za 2025.godinu. Nastavak ovog projekta izvršen je nakon potpisa aneksa ugovora sa Federalnim ministarstvom rada i socijalne politike o realizaciji, spomenuto ministarstvo zahtijevalo je aneks ugovora jer su sredstva planirana i u 2025.godini.

NAKNADA ZA CIVILNE ŽRTVE RATA, NERATNI/CIVILNI INVALIDI I DJEČJI DODATAK

Pored beneficija koje su nabrojane u tabeli 1. u našoj ustanovi se vodi postupak za ostvarivanja prava za **CŽR-a**, kao i obračuni za iste, te se resornom ministarstvu dostavljaju mjesečni spiskovi /trebovanja/, ali isti nisu prikazani u rashodima centra, jer se isplata vrši sa računa Budžeta USK-a direktno na tekuće račune korisnika. Isplata civilnih žrtava rata se vrši

dijelom iz Federalnog budžeta (70 %) i dijelom iz Kantonalnog budžeta (30%).

Isti postupak je kod **dječjeg dodatka**, odnosno u našoj ustanovi se vodi postupak ostvarivanja prava, kao i obračuni za iste, te se Federalnom ministarstvu rada i socijalne politike dostavljaju mjesečni spiskovi/trebovanja, ali isti nisu prikazani u rashodima centra jer se isplata vrši sa računa Budžeta Federacije direktno na tekuće račune korisnika.

Kod neratnih/civilnih invalida u našoj ustanovi se vodi upravni postupak za ostvarivanje prava, a obračuni i isplate se vrše u Federalnom ministarstvu rada i socijalne politike.

Tabela 3.

Lična invalidnina	201.991,84
Mjesečna novčana lična primanja	52.116,24
Dodatka za tuđu pomoć i njegu	33.452,26
Otropski dodatak	59.808,74
Porodična invalidnina	493.706,20
Razlika	47.255,23
UKUPNO :	888.330,51 KM

Dječji dodatak	6.947.135,87 KM
UKUPNO:	6.947.135,87 KM

Broj:01/11-554/26

ODBORA:

Dana:24.03.2026.godine

PREDSJEDNIK UPRAVNOG

Maida Kovačević